



# सानसेयारि बड'सा

सानसेयारि 'बड'सा' खरीरालाइयाव समाजयारि जिउजो लोब्बा थानाय रायथाय, खन्थाय, खल, खल'बाथा आरो दावबायारि थावनि, पार्क बाइदिनि सायाव लिन्नाय लिन्बिबां देथाय हर/सानसेयारि 'बड'सा' खरीरालाइया खेबखाने फोखावगोन/

बड'सायाव लिन्ठरनायि दुबा खालाम, 'बड'सा' खरी नोथां, जों बयबो आंगो खालाम/

सानसेयारि बड'सा मावखुनि  
माइबं नोगोर, जोहोलाव देमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 21 October, 2024 Kokrajhar, BTC, Assam ★ Vol.-34, Issue No. 203 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## गिबि मन्थिआ मिशन बसुन्धरा 3.0 बिथांखिखौ बेखेवबाय

एससि, एसटि, साहा हरिसा आरो गरखा सुबुंफोरनि थाखाय मोनथाम जोलैनि फोलेरनि गोनाथि गैया: गिबि मन्थि

दिसपुर, 20 अक्टबर: मिसन बसुन्धरा (एमबि) नि नैथि बिसाननिफ्राय सोलोनोनाय आयदाखौ सिगांथि लानाने गिबि मन्थि ड० हिमन्त बिश्व शर्माआ दिने श्रीमन्त शंकरदेब कलाक्षेत्रआव खुनाय मोनसे हाबाफारियाव थागिबि सुबुंफोरनो हानि मोन्थाय होनो थाखाय मिशन बसुन्धरा 3.0 खौ बेखेवनाने होयो। मिसन बसुन्धरा 3.0 नि सिडव गुबुन गुबुन हाजो सोमोन्दो गोनां सिबिथायफोरखौ डिजिटाइज खालामनो आरो राइज्योनि सुबुंफोरनि मुलाफानि थाखाय मानसावगारि फोसावबो



थाखायबो राहा लानाय हाबाफारिखौ गोरलै खालामनो जागोन, मानोना सुबुंफोरनो हानि मोन्थाय होनाय थाखाय गोबां गोदान नेम-खान्थिफोर बाहायनाय जादों।

बेखेवनाने होयो। सिडजिआ मबाइल नम्बरफोरनि मोनसे खाथि-खाला जर'खा फारि, जायखौ खाजोना आरो अलखद सामलाय बिफाननि सिडव बिबानगिरि आरो मावफारियाफोरनो खौफोदनि समाव गोरलैथै सुजाबनाय आरो (□ 6 बिलाइआव)

## राइज्यो बेंगिरिनि आसामनि प्रतिभा प्रसाहन यजना 2024-25 नि स्क्रिनि आन्जादखौ राइज्योनाडेनो जाफुंसारै खुदों

गुवाहाटी, 20 अक्टबर: राइज्यो बेंगिरिनि आसामनि प्रतिभा प्रसाहन यजना 2024-25 नि स्क्रिनि आन्जादआ दिने मोनब्रे मिरुफोर फारिये गुवाहाटी कटन मुलुगसोलोंसालि, बंगाइगाव मुलुगसोलोंसालि, जरहातनि जगन्नाथ बरुआ मुलुगसोलोंसालि आरो सिलचरनि गुरुचरण मुलुगसोलोंसालियाव जाफुंसारै खुंफुजायो। स्क्रिनि आन्जादाव



गासै सा 511 फरायसाफोरा नरेन्द्र मदिनि जोनोम साननि बाहागो लायो। बे प्रतिभा फालिथायाव राइज्यो बेंगिरि प्रसाहन यजनाआ गाहाइ मन्थि (□ 6 बिलाइआव)

## शिलं दालाय दुलाराय बर' फरायसा आफादआ 2024-2025 माइथायनि गोदान मावफुं आफादखौ दाफुंबाय


कक्राझार, 20 अक्टबर: शिलं दालाय दुलाराय बर' फरायसा आफादनि बान्जायनायाव नर्थ इस्थान हिल इडनिभासिदिनि अल्ड गेस्ट हाउसनि कन्फारेन्स हलआव सानसेनि गावगोनां आरो ओंथि गोनां हाबाफारिनि गेजेरजों थान्दे मेल जथुमनाय जायो। बे थान्दे मेलनि गेजेरजों शिलं दालाय एबसुनि आफादारि बिधिनि सायाव गुवारै सावरायनाय जायो आरो इयुनआव आफादारि बिधिडव खामानि मावनो थाखाय माखासे थांखि



आजावनाय जायो, लोगोसे दुलाराय बर' फरायसा आफादनि मावथांखिफोरखौबो

मावफुंलांनो थांखि आजावनाय जायो। थान्दे मेलआव 2024- (□ 6 बिलाइआव)

बासबारिनि बिपिएफनि दैदेनगिरि, गागि आर्टिस्ट हितलार बसुमतारिनि रुंसारि



भवानिपुर, 20 अक्टबर: सालबारि महकुमानि सिडव बासबारिनि मायंपारा गामिनि थागिबि बिपिएफनि दैदेनगिरि, गागि आर्टिस्ट हितलार बसुमतारि (47) नि मैया मोनाबिलिनि (□ 6 बिलाइआव)

## राइज्यो बेंगिरिआ 17 थि दुलाराइ आसाम इन्टार डिस्ट्रिक्ट खमलायनाय चैम्पियनसिप 2024 नि जोबथा हाबाफारियाव बाहागो लादों

गुवाहाटी, 20 अक्टबर: दिने गुवाहाटीनि डिटिआरपि इन्डर स्टेडियामाव खुंजानाय 17थि दुलाराइ आसाम इन्टार डिस्ट्रिक्ट खमलायनाय चैम्पियनसिप 2024 नि जोबथा हाबाफारियाव आसामनि राइज्यो बेंगिरि लक्ष्मण प्रसाद आचार्यआ बाहागो लायो। आसाम खमलायनाय गौथुमजों खुंजानाय बे बादायलायनायाव 30 गनारथि होजानाय इन्टिफोरनि



खमलायगिरिफोरा बाहागो खमलायनाय गौथुमखौ बाखायनाय राइज्यो बेंगिरिआ बुडोदि बे फोरबायदि (□ 6 बिलाइआव)

## गसाइगावआव जोहोलाव निलेस्वर ब्रह्मनि सायाव सावराय मेल, मेथाइ आरो खन्थाइनि जथायनाय बिजाब बेखेवदों

गसाइगाव, 20 अक्टबर: बर' थुनलाइ-हारिमुनि सिबियायि जोहोलाव निलेस्वर ब्रह्मनि जिड आरो मावलांनय खामानिफोरखौ गोसोखांथिनाने दिने कक्राझार जिल्लानि गसाइगाव महकुमानि गयबारिआव मोनसे सावराय मेल खुनाय जायो। बर' थुनलाइयारि (□ 6 बिलाइआव)



खमलायगिरिफोरा बाहागो खमलायनाय गौथुमखौ (□ 6 बिलाइआव)

## 11 थि जथिन इस्लारी मुंख्लं गोसोखां जोलुर बादायलायनाया जागायबाय



कक्राझार, 20 अक्टबर: कक्राझार जिल्ला गेलेमु गौथुम (केडिएएस)नि गायसनगिबि गाहाइ नेहाथारि जतिन इस्लारीनि मुडव थांनय 2013 ई माइथायनिफ्रायबो खुंबोबाय थानाय जतिन इस्लारी गोसोखां जोलुर बादायलायनायखौ देग्लायबो सालाकाति स्पटस प्रमदर ससाइदिनि बान्जायनायाव (□ 6 बिलाइआव)

## सालाकाति दख 'रा एबसुनि बान्जायनायाव समाजयारि सांग्रांथि साइकेल हान्जा सुरदों

कक्राझार, 20 अक्टबर: राइजो-राजा, लाइमोन फरायसुला-फरायसुलिफोरनि गेजेराव सांग्रांथि लाबोनारनि थाखाय सालाकाति दख 'रा एबसुनि बान्जायनायाव समाजयारि साइकेल हान्जा सुरनाय हाबाफारि। उन्दै बैसोआव हाबा जानाय, फेग्रा मुवा बाहायनाय, लांखारजानाय (□ 6 बिलाइआव)



बिथा खालामनाने इंगजी, गोरलै सानखान्थि, आबहावा, बिथ 'राइ

## गसाइगावआव नंखाय स 'नानि नावजों लोगोसे सानै फालांगिरिखौ हमदों

गसाइगाव, 20 अक्टबर: कक्राझार जिल्लानि गसाइगावआव मैया शनिबारखालि नंखाय स 'नानि नाव फालांगि खालामनाय जाथायजों लोब्बा थानाय सानै फालांगिरिखौ पुलिसआ हमनो हायो। जाथायजों लोब्बा थानाय लखिमपुरनि नंखाय स 'ना पालांगिरि कुजरात आलि आरो



ओन्सोलनि इ-रिक्सा हायोब्लाबो जाथायनि गुबै सालायगिरि आसिमुदिन शोखखौ पुलिसआ खानो दायनिगिरि फिरदुस आलि एबा (□ 6 बिलाइआव)

बिजनी, 20 अक्टबर: चिरांनि बिजनी बर'लावगाव गामिनि थागिबि रुंसारि मंगलसिं मुसाहारिआ मोनसे समाव ओन्सोलनि रोंगौथि गोनां आबादारि आरो समाज सिबियारिमोन। बर'लावगाव ओन्सोलनि जौगानाय बिथिडव समाजनि दैदेनगिरिफोरजों लोगोसे थानाने समाज जौगानायनि हाबा मावबोदोंमोन रुंसारि मंगलसिं मुसाहारिआ।



बिथानि गोसोखांथियावनो बर'लावगाव थेंफाखि फोथाराव जोलुर बादायलायनाय खुदों। थानाय 2 अक्टबरनिफ्रायनो खुंजानाय थागिबि रुंसारि मंगलसिं मुसाहारि फुटबल ट्रफी-2024 आव गासै मोन 19 जोलुर हान्जाफोरा बाहागो लादोंमोन। समाज सिबियारि आरो जाखुंफु फालांगिरि सरकसिं मुसाहारिनि आबुं मदत आरो (□ 6 बिलाइआव)

## सान्ताल ब्रादर्स क्लबाआ 5-4 गलनि फारागथिजों सेम्पियन

## रुंसारि मंगलसिं मुसाहारि फुटबल ट्रफीआ खुंफुं जाबाय

बिजनी, 20 अक्टबर: चिरांनि बिजनी बर'लावगाव गामिनि थागिबि रुंसारि मंगलसिं मुसाहारिआ मोनसे समाव ओन्सोलनि रोंगौथि गोनां आबादारि आरो समाज सिबियारिमोन। बर'लावगाव ओन्सोलनि जौगानाय बिथिडव समाजनि दैदेनगिरिफोरजों लोगोसे थानाने समाज जौगानायनि हाबा मावबोदोंमोन रुंसारि मंगलसिं मुसाहारिआ।



बिथानि गोसोखांथियावनो बर'लावगाव थेंफाखि फोथाराव जोलुर बादायलायनाय खुदों। थानाय 2 अक्टबरनिफ्रायनो खुंजानाय थागिबि रुंसारि मंगलसिं मुसाहारि फुटबल ट्रफी-2024 आव गासै मोन 19 जोलुर हान्जाफोरा बाहागो लादोंमोन। समाज सिबियारि आरो जाखुंफु फालांगिरि सरकसिं मुसाहारिनि आबुं मदत आरो (□ 6 बिलाइआव)



सुजुगिरिनि खोलोम

दानाय-लुनायाव बर' आइजोफोर

बुंस हाथै समनिप्रयनो गामिआव राइजो जाग्रा सुबुंफ्रा दानाय लुनायखौ गोनां आरिमु महरै गोबाना लाबोदों। बर' माहारिनि गेजेराव बाश्रा फंसे दइ: 'जाय हिन्जावा दानाय लुनायाव आखाय गैया बे हिन्जाव सिख्लाखौ रवबो हाबा खालामा'। बाश्राया नंखाय नइ। गामिआव नखरफोमबो साल-गान्देजों समायना इसानसाली थानायमोन। मेसें बोथोर सौफेनाय लोगो लोगो नखर नखर सि सौनाय, नो-खनाय, बिनि उनाव गान्देआव खुदुंखौ फाना सालाव दानाय। गामिआव हाबहैब्लानो नखर नखर खालथं, खालथं, माखु गान्नाय सोदोब खोनानो मोननायमोन। आधिखालाव नाथाय गामिप्रव हाबहैब्ला माखु गान्नायखौ बारा खोनानो मोनलिया। मानि जाहोनाव गामिनि आइजोफोर सि दानायखौ नागारनो हमखो, बेखौबो गोथौथै साननो गोनां जाबाय। गोदोफोर खुदुंखौ गाव गावनो बाइदि रोखोम मुवाजों गोमो, गोथं गोजा, गोमो दाउदै बाइदि रोखोम मुवाजों बाइदि बाइदि गाव गाना सि दानायमोन। दानिया नाथाय, हाथायाव मोननाय गोजा गोथं गोमो बाइदि रोखोम गावनि खुदुं बायना दखना, जोमग्रा सिमा, बाइदि बाइदि रोखोमनि सि दबाय।

गोदो गामि गामि इन्दि बिफांनि बागान खालामना एमफौ फिनानै फिथोबनिप्रय इन्दि, खुदुं दिहना इन्दि सि दानायमोन। नखराव जोमनो दोनानोबो गुबुनोबो फानहरोमोन। इन्दि सिनि बेसेनआ गोदोनिखुइ आधिखालाव गोबां जसिनबाय। गोबां रोखोमनि इन्दिसि दाना दिहन्तो हाब्ला बेनिप्रयबो गोबां रं मोननो हायो। बेजोंनो नखरनि गथ गथायनो लेखा-बायनो गाननाय जोमनायखौबो जगार खालामनो हायो। आधिखालनि सुबुंफ्रा नाथाय इन्दिसिखौ जोमबालानो हाथायाव मोननाय मनिपुरि जोमग्रा, काश्मीर साल बाइदि बाइदि सि फोरखौसो बायना जोमसै।

दिनेनि फान्जामुधि

राशि बाइदिथै मुंनि गिबि हांखो  
 मेघ : अ ल बुध : ऊ ब (उ ए इ) मिथुन : क छ (ङ घ)  
 कर्कट : ड ह सिंह : म ट कन्या : प ठ (ण ष)  
 तुला : त र बृश्चिक : ब न धनु : ध भ (ढ फ)  
 मकर : ख ज कुम्भ : ग श (स) मीन : द च (ख ज झ)

- मेघ:** जेबो जेना-जेंसि गैथै सुखुखौ मोन्दानो हागोन। फारफोमथिबो मोजां।
- बुध:** सोरबा आंगो लोगो गोमानो हागौ। गोसोआव दुखु मोनो हागौ। गोसोखौ हमथा।
- मिथुन:** जेखि मावा मुलाम्फा मोनो हागौ। गोजोन मोनो हागोन। मोजां सान।
- कर्कट:** नख रनि गोबां रंखावरि खरसा जानो हागौ। सांग्राडै बाहायनांगोन।
- सिंह:** बबेबा गोजाम जायगायाव दावबायहैनो मोनो हागौ। गोसोखौ गोजोन मोनगोन।
- कन्या:** मानिबा थाखाय रं खरसा जानो हागौ। थाखानाय राड जोबसांनो हागौ।
- तुला:** लोगो-दिगि जालायनाया बांगोन। हेफाजाब मोनो हागोन। मोजां सान।
- बृश्चिक:** सानसुनि 11:00 रिगानिफ्राय जिंगाआव गोलैनो हागौ। जेखियानो जाया लोरबां जानो नाइ।
- धनु:** फालांगि मावनायाव खहाफोर जानो हागौ। सांग्रां जानानै मावनांगोन।
- मकर:** माखौबा लानानै गिनाय सोमजिनो हागौ। जैरैबो सांग्रां जानानै थानांगोन।
- कुम्भ:** गोसोनि सान्नायखौ मावोबा जाफुनो हागौ। बे राशिनि थाखाय मोजां सम। गोजोन मोनगोन।
- मीन:** सिगांनि थानांनय जाथायफोरखो गोसो खानानै दुखु मोनो हागौ। गोसोखौ हमथा।

उतराखण्डनि गिबि मन्थिआ राइज्योनि जेनाखौ लानानै निति आयगजौ सावरायदों

देहरादुन, 20 अक्टबर: गिबि मन्थि पुष्कर सिं धामीआ निति आयगनि लेडाइ आफादगिरि सुमन बेरिजों शनिबारखालि सेक्रेटारिएटआव मख 'जाथाव जथुम्मा खुदों, जेराव हिमालयान राइज्यो उतराखण्डखौ गुदि बिथा गोनां बिथाखिफोरा जानाय जेनाफोरखौ गुवारै मिथिबोयो। बिथाडा बुडोदि, हिमालयान राइज्योफोरनि भुमखोरिडादि थाथायखौ नोजोर होनानै खास्थि दानाया गोनांथार। हाजोयारि ओन्सोलफोरनिफ्राय सुबुंफोरनि खारलानाय एबा बिथा सोलायनाया गिदिर जेना। बेनि सुस्रानाय राहाखौ हाजोयारि



ओन्सोलफोर जिउखं राहाखौ बांहोनायनि थाखाय जर'खा खास्थि बानायनागौ। गिबि मन्थि धामीआ निति आयगनि

लेडाइ आफादगिरिजों राइज्योनि मख 'जाथाव आयदाफोरखौ लानानै सावरायो। बिथाडा बुंवावोदि, राइज्योआव खैफोद, हाग्रानि अर, खारस्तायनाय आरो सुबुं अन्जिमा बांनया

गिदिर सेलेन्ज। हाजो ओन्सोल, हायेन, भाबर आरो तराइनि महराव जर'खा भुमखोरिडादि थासाफोरजों राइज्योआ चुरिनाडो। दरने हादरनि हारिमायारि सिमनाजों नांजाबनायनि जाहोनाव उ र ा र ख ण ड अ। मख 'जाथावसिन। बिथाडा बुंवावदों राइज्यो सरकारआ बरफनि दैमाफोरखौ अखांनि दैमाफोरजों सरजाबनायनि मख 'जाथाव बिथाखि नदि जोडो स्कीमनि सायाव हाबा मावगासिनो दइ। बेनि थाखाय उफ्रा रंखास्थिबो गोनांथि दइ।

थावनि बेसेन बांनयाव गारि बिगोमाफोरा 23 अक्टबरनिफ्राय सिमना गैथै समसिम बन्द खालामगोन



आइजल, 20 अक्टबर: मिजरामआव फालांगियारि गारि बिगोमाफोरा राइज्योनि थावनि बेसेनफोराव आधिखालनि बांनयनि फिननायाव 23 अक्टबर 2024 निफ्राय जागायनो गोनां सिमना गैथै समसिम बन्दनि थाखाय जान्जि खारफागिसिनो दइ। सरकारनि गेजेरजों पेट्रुलिनि बेसेना 93.93 रंनिफ्राय बांनानै लिटराव 99.24 रं आरो डिजेलनि बेसेना 82.62 रंनिफ्राय बांनानै लिटराव 88.02 रं खालामनायनि उनाव धनां जायो, जाय 1 सेप्टेम्बरनिफ्राय गोहोम गोल्देदोमोन। गिबि मन्थि लालडुहमानि गेजेरजों रादायखानो नाजासेयावबो राइज्यो मन्थि आफाद बांहोनाय टेक्सफोरखौ सोलिहोना लाखिनायनि अप्सनखौ सायख'यो। 17 अक्टबरआव मोन 11 गारि बिगोमाफोरनि बन्दखौ जागायनायनि सायाव गनायथिनाय फोरमायो। जाय फोलेरनि गेजेराव गोथौथै रगा जौनायखौ दिन्थियो। मिजराम सरकार बेसेन बांहोनायखौ मदत खालामना बुडोदि, बिरोहरा समाजारि गुदि बिथाखौ जौगाखां होनो आरो लामा जोथोन लानाय बिथाखिफोरखौ मदत खालामनायनि थाखाय गोनांथि दइ। सुलुंनि बायदिब्ला, बे बन्दजों राइज्योनाडै हाथ्या मेलानि थाखाय गारि-मटरफोरनि सिबिथाइफोयव गोबां जेना सोमजिनो हागौ। मानेना गारि बिगोमाफोरा थावनि बेसेनफोराव दावखलायनो दाबि दैखानायाव खौसे जायो।

5 लाखसिमनि हेल्थ इन्सुरेन्सनि सायाव जिएसटिनि सायाव रेहाय मोनसिमोन

गोदान दिल्ली, 20 अक्टबर: फैगौ सानफोराव टर्म एबा हेल्थ इन्सुरेन्सनि प्रिमियाम जमा खालामनायाव रेहाय मोनसिमोन। लाइफ आरो हेल्थ इन्सुरेन्सआव जिएसटिनि हारखौ थि खालामनो थाखाय दानाय मन्थि आफादनि थानाय शनिबाराव जानाय जथुम्मायाव 5 लाख रंसिमनि कभारेज गोनां हेल्थ इन्सुरेन्स आरो टर्म इन्सुरेन्सनि प्रिमियामनि सायाव नानाय टेक्सखौ आबुडै फोजेबनायनि सायाव गनायथि होयो। 5 लाखनिखुइ बांसिन कभारेज थानाय हेल्थ इन्सुरेन्सनि सायाव सिगांनि बायदि 18 जौखन्दो जिएसटिआ थाबाय थगोन। बेनि अनगायै गागि नोगोरारिफोरनि फारसैनिफ्राय होनाय हेल्थ इन्सुरेन्स प्रिमियामखौबो टेक्सनिफ्राय उदं खालामनो हागौ। आधिखालाव बेनि सोमोन्दै जोबथा थांखिखौ जिएसटि काउन्सिलनि गेजेरजों लानाय जागोन। बे समाव टर्म इन्सुरेन्स आरो हेल्थ इन्सुरेन्सनि प्रिमियामआव 18 जौखन्दो जिएसटि जाबसिन्ना होनाय जायो। सासे बिबानगिरिआ फोरमायनाय बायदिब्ला,



जिअएमनि सोद्रोमाफोर बिमा प्रिमियामनि सायाव टेक्सआव दावखलायनो थाखाय गुवारै गनायथि होयो। बे जथुम्मानि उनाव जिअएमनि गायसनगिरि आरो बिहारनि लेडाइ गिबि मन्थि सम्राट चौधुरीआ बुडोदि, मन्थि आफादनि साफ्राम सोद्रोमाफोरा सुबुंफोरनो रेहाय होनो लुबैयो। बेयाव गागि नोगोरारिफोरनि सायाव जर'खायै नोजोर होनाय जागोन। जों काउन्सिलनो बे

दाननि जोबजासिमाव मोनसे रिपटं गथायगोन। बेनि जोबथा थांखिखौ जिएसटि काउन्सिलनो लागोन। जिएसटि काउन्सिलआ थानाय दानावसो लाइफ आरो हेल्थ इन्सुरेन्सनि प्रिमियामआव जाबसिन्नाय टेक्सनिफ्राय 8,262.94 कौटि रं मोन्दों मोन। जिएसटि काउन्सिलनि जानो गोनां जथुम्माया नभेम्बर दानआव जानांगौ।

नेहरुनगरनि कस्तुरबा गान्धी बालिका बिदालयनिफ्राय सा 3 फरायसाफोरा गोमाना दइ

गाजियाबाद, 20 अक्टबर: नेहरुनगरआव थानाय कस्तुरबा गान्धी बालिका बिदालयआव फरायग्रा सा 3 फरायसाफोरनि सन्देह खालामथाव थासायियाव गोमानाय के सखौ नायबिजिरनाया आबुं जाबाय। नायबिजिरनायाव सा 6 मावसुमाफोरनि सांग्रांथि गैथैनि सोमोन्दै मिबथिनो मोन्नाय जादों। आधिखालाव नायबिजिरनाय रिपटनि सायाव बिथा खालामनानै नायबिजिरनायखौ थियारि खालामदों। बेयाव सांग्रांथि गैथै मावसुमाफोरनि साखियावो थानो हागौ होना सावरायनाय जादों। बे जाथायनि उनाव सोलंथाइ बिफानआ वार्डेनजों लोगोसे सा 6 मावसुमाफोरो नटिस फोसावनानै खेफोरथि बिदोंमोन। जिल्ला बेसिक सोलंथाइ बिबानगिरि अपि



यादबनि बायदिब्ला, बे सोलंसायियाव सा 100 फरायसाफोरनि रंजिस्ट्रेसन दइ। थानाय सेप्टेम्बरखालि सा 85 फरायसाफोर दइमोन। बेसमाव गाहाइ वार्डेननि सरिता त्यागीआ सुद्विआव दइमोन आरो खामानिनि चार्जआ कल्पना सिनिआव दइमोन। बेनि अनगायै चकिडार रहल गौतम, फोरेंगिरि सन्जय यादव, ऑखाम संग्रा निलम शर्मा आरो हेफाजाबगिरि सवितानोबो नटिस फोसावदोंमोन। बे जाथायखौ नायबिजिनो थाखाय कमिटि दायदोंमोन। कमितिनि नायबिजिरनायाव मिबथिनो मोनोदि, जाथाय जानाय सनाव स्कुलाव थिसनजानाय स्टयफनि सांग्रांथि गैथैआव सा 3 फरायसाफोरा अवाल बारनानै थानोंमोन। मख'नो गोनांदि, बेटी पद्माओ बेटी बचावनि गेजेरजों जिल्लानि मोनबै जौगाखां जायगाफोरव गंभ्रै क्पुरबा गान्धी हस्पेल थानाय सोलंसायिखौ सालायो। गंफ्राम सोलंसायियाव 100 फरायसाफोर थायो आरो फरायनायनि सुबिधा दइ। गंभ्रैबो फरायनायनि थियारि सोलिगासिनो दइ। बे सोलंसायिफोरखौ फुवारनायनि हाबाफारिया जोबथा खोलोबाव दइ। बेयाव ड्रप अप फरायसाफोरल' हाबनो हायो। गेजेर खनरदायाव फरायनायखौ नागापनाय फरायसाफोरखौ ड्रप आप महरै गनायनाय जायो। बेयाव थानाय, जानाय-लौनाय, फरायनाय, देहा रैखाथिनि आबुं सुबुंफोरखौ होनाय जायो। बेयाव थाखो 12 सिम सोलंथाइ होनाय जायो।

आसामनि गाहाइ नेहाथारिआ गुवाहाटीनि देरसिन अडिटरियामखौ नायसंहैदों

गुवाहाटी, 20 अक्टबर: आसामनि गाहाइ नेहाथारि ७ रवि कटाआ शनिबारआव गुवाहाटीनि कानापायाव 5,000 मासिफोर थानाय अडिटरियाम लुनाय हाबाफारि आरो डिजाइन जौगाखां होनायखौ नायसंहैयो। कटाया आसामनि गिबि मन्थि इ हिमन्त बिश्व शर्मा आ जागायजेन्नाय मोनसे मख 'जाथाव बिथांखि, अडिटरियामनि बाइजोआव साजायनाय आरो इसिआरि डिजाइनफोरखौ नायसंनो एथाखाय बास्तुकला जर'खागिरिफोरजों मोनसे जथुम्माखौ देदोनो। गासै 174.88 कौटि रंनि बे मर्डान



अडिटरियामखौ बानायनायनि कन्ट्रक्टखौ गोदान दिल्लीआव थानाय फार्म अहलुवालिया कन्ट्रक्टस लिमिटेडनो होदों। आबुं लुनायनि उनाव बेयो सा-सान्जा भारतनि बयनिखुइबो देरसिन जथुम्मा खालामग्रा न'ब्लां एबा अडिटरियाम जागोन। कटाया बुडोदि, राइज्यो सरकारनि समितिआ गुबुन-

गुबुन डिजाइन अप्सनफोरखौ जोबोर सांग्राडै नायबिजिरदों। बेखौ 2025 नि एप्रिलसिमाव लुफुनायनि थांखिबो लादों। आबुं जानायनि उनाव बे अडिटरियामआ गोदान माइल खुन्थिया जागोन, जाय गुवाहाटी आरो आसामनि सुबुंफोरनि थाखाय गोजोर सहरारि न'ब्लां एबा जायगा महरै थागोन।

काछार जिल्ला थाखोनि समितिआ मडेल अंगनबादि मिरु लुनायनि सायाव जथुम्मा खालामदों

गोदान दिल्ली, 20 अक्टबर: डिपुटि कमिसनार मृदुल डिपुटि कमिसनार मावख'आव जिल्ला थाखोनि समितिनि जथुम्मा जायो। जथुम्मा खालामनायनि थांखिया एनआइडिए, आरआइडिएफ आरो एससिबिसिजों लोगोसे गुबुन गुबुन जौगाखां यजनाफोरनि बाहागो महराव जिल्लानाडै बानायगासिनो थानाय मडेल अंगनबादि मिरुफोर (एमए डब्लिउसि)नि जौगाखानायखौ



नायसंनयमोन। जथुम्मायाव उफ्रा जिल्ला आइजो आरो गथ'सा जौगाखां कमिसनार ७ खालिदा आहमद, काछार जिल्ला समाज जौगाखां बिबानगिरि अन्जलि कुमारि, गथ'सा जौगाखां बिथांखि बिबानगिरि (सिडिपि)आ, अंगनबादि थाखोनि लुनाय समितिफोर (एएलसिसि)नि आफादगिरि आरो सोद्रोमा नेहाथारिजों लोगोसे बिबानगिरि दंमोन। डिडि

यादबआ एमएडब्लिउसिखौ लुनायनि थासायिखौ गुवारै नायबिजिरदों। मोनफ्राम बिधान सभा बिबाय आरो गावआरि अंगनबादि मिरुफोरखौ नायसंदों। बिथाडाह



## करिमगन्जआव हाफैखोमानो नाजानाय बांलादेशिफोरखौ हमनो मोन्दों

गुवाहाटी, 20 अक्टूबर:

आसामनि गिबि मन्थि हिमन्त बिश्व शर्माआ 20 अक्टूबरआव बुडोदि, महिबुल्ला मुंनि सासे बांलादेशि हाबफैनायखौ करिमगन्जआव इन्टारनेसनेल बडारनि साखाथियाव हमनो मोन्दों। आसाम पुलिस आरो बिएसएफजों लोगोसे रइज्योनि रैखाथि हान्जाफोरा गुवारै नायबिजिरनायनि फिथाइ महैरै बै सुबुंखौ सिमनानि हेंथारै थाबैने दैथायहरफिनाय जायो। रैखाथि मावफारियाफोरनि नाजानायखौ साबायखर होनाने गिबि मन्थि शर्माआ सांग्राथि लाखिलांनो आरो रइज्योनि सिमनाफोरखौ रैखाथि होनो थाखाय आसामनि आयेन बानायग्रा एजेन्सिफोरनि बिबाननि सायावबो बिथाड नोजोर बोयो। जौनि सान्थि हान्जाया सिमना बारना फैनो नाजानायफोरखौ फेलें



खालामनो एबा होबथानो थाखाय 24 घन्टा एलाट जानाने थायो। बेनि सिगां 19 अक्टूबरआव गिबि मन्थि शर्माआ बुडोदि, रइज्यो पुलिसआ करिमगन्ज जिल्लायवाव आइन बेरेखा हाबफैनो नाजानाय सासेबाव बांलादेशिखौ हमो। महम्मद आरिफ महैरै सिनायथिजानाय सुबुंफोरखौ सिमा बारनायथिं दै थायहरफिनो। ससेल मिडियाआव गिबि मन्थिआ

आसाम पुलिसनि नाजानायखौ बाख्नायना बुडोदि, भारत-बांलादेश सिमनायाव बे बायदि हाबफैनो नाजानायखौ फेलें खालामनो थाखाय जौनि रैखाथि हान्जाया जेब्लायबो सांग्राडै थायो। मख'जाथावदि, बेनि सिगां 23 सेप्टेम्बरआव करिमगन्ज जिल्लायवाव भारत-बांलादेश सिमनायाव आसाम पुलिसआ सा 4 बांलादेशनि हाबखुमानो नाजानायफोरखौ हमदोमोनो।

## भारत लैथोमायाव रासियाआ गावसोरनि नेभिफोरखौ इरानजों लोगोसे हुदायाव थिसन्दों

गोदान दिल्ली, 20 अक्टूबर:

इजराइल आरो इराननि गेजेराव जेनाया दासिमबो सोलियासिनो दड। इजराइलआ दासिमाव इराननि गाग्लोबनायनि फिन्नाय होयाखै। नाथाय बुंनय बादिल्ला, 5 नभेम्बरनि सिगां इजराइलआ जायखि-जाया समाव इराननि सायाव गाग्लोबफिनो हागो। बेनि गेजेरजों इरानआ चीन आरो रासियाजों गावसोरनि खाथि सोमोन्दो लाखिनायखौ बांहोदों। रासियाआथ' खुला-खुलियै इरानखौ मदद खालामनो थियारि जाखाबाय। आथिखालाव रासिया आरो इराननि नेभिफोरा भारत लैथोमायाव हुदा खालामनायखौ जागायबाय। बेनि खौरखौ इराननि सरकार टिभिआ होदों। भारत लैथोमायाव खुंनय इमेक्स 2024 नेभिफोरनि हुदायाव रासिया, इरान आरो अमाननि नेभिफोरबो बाहागो लादों। बे हुदाआ थानाय शनिवार 19 अक्टूबरखालि जागायबाय। दर



9 हादरफोरा बे हुदानि बाहागोदरि जागोन आरो बेयाव सौदि आरख, काठार, भारत, पाकिस्तान, बांलादेश आरो थाइलेन्डआ दंफायो। बेनि सिगां थानाय मार्च दानआव रासिया-चीन आरो इरानआ 5 थि जुथाय

नेभिफोरनि हुदायाव बाहागो लादोंमोन। इराननि सरकार टिभिनि बादिल्ला, बे हुदानि थिखिआ ओन्सोलाव हान्जायारि रैखाथिखौ बांहोनाय। बेनि अनगायैबो गोबां दोलोजों हेफाजाब होलायनायखौ

फुवारनाय, गोजोन आरो लोगोजों लोगोसे लैथोमायारि रैखाथिआ दंफायो। बे हुदायाव बाहागो लानाय हादरफोरा हारिमायारि लैथोमा फालांगियारि रैखाथि, लैथोमायारि लामाफोरनि

रैखाथि, रेहाय आरो रैखा कालामनाय हाबाफारिनि सायाव खौरांफोरखौ सोलाय-सोल' खालामनाय सोलोखान्थिनिबो हुदा खालामगोन। बे हुदाआ बेनि थाखायबो मख'जाथावदि, सोनाब एसियाआव सोलिनय जे'नानि गेजेरजोंबो बेखौ खुंनयसिनो दड। आमेरिका नि नारसिन्नायनि फिन्नायाव इरानआ रासिया आरो चीनजों लोगोसे सान्थियारि हेफाजाब होलायनायखौ बांहोना जागायबाय। बे दानावनो रासिया नि हादरगिरि ब्लादिमीर पुतिन आरो इराननि हादरगिरि मसुद पे'जे'शिकयानआ तुर्क मेनिस्तानआव लोगो हमलायदोंमोन।

## बागेश्वर-पिथौरागढ़जों लोगोसे गोजौ ओन्सोलफोराव अखा आरो बरफ गोग्लैनायनि मिजिं दड

देहरादुन, 20 अक्टूबर:

उतराकान्डआव हाजोनिफ्राय हायेनसिम खावसे महैरै जोमै साग्लोबदों। जर'खायै गोजौ ओन्सोलफोराव सरसानखा अखा आरो बरफबो गोग्लैनो हमदों। जायजों खाथि-खालानि ओन्सोलफोराव गोहोम खोखलैनो हमदों। दुनयावबो खावसे महैरै जोमै साग्लोबदों। आथिखालाव दुननि बिहुडा सरसनखानिफ्राय बांसिन जानाने दड। बोथोर बिफाननि बायदिब्ला, दिनें रइज्योआव बागेश्वर आरो पिथौरागढ़जों लोगोसे गोजौ ओन्सोलफोराव सरसानखा अखा आरो बरफ गोग्लैनायनि मिजिं दड। गाहाय ओन्सोलफोराव बोथार सुदेम जानो हागौ आरो बिदुडव 1 डिग्रि सेल्सियासिसिम दावखलायनो हागौ। थानाय शनिवारखालि दुनाव फुंनिफ्राय सान्दुं आरो जोमैनि गेजेराव थाखोमालायनाय गेलेंदों।



हाजोआरि ओन्सोलफोरावबो जोमैया साग्लोबना थादों। बेयाव बहाबा सरसनखानिफ्राय गेजेर थाखोनि अखा हायो आरो हाजो थिखिनिफोराव सरसनखा बरफ गोग्लैदों। जायनि उनाव बार बारनायजों गाहाय ओन्सोलफोरावबो गुसु मोन्दानो हमदों। अदेबानि बिदुडावबो लासै-लासै

दावखलायनायसिनो दड। बेनि जाहोनाव दुनआव मेक्सिमम आरो मिनिमम बिदुडा सरसनखानिफ्राय 2 डिग्रि सेल्सियासिसिखुडु बांसिन जायो। नाथाय बेयाव दावखलायनायनि मिजिं दड। बिदुं दावखलायनायनि जाहोनाव फुं आरो हरनि समाव सरसनखा गुसु जानो हमो। देहरादुनजों लोगोसे खाथि-खालानि


ओन्सोलफोरावबो खावसे महैरै जोमै साग्लोबनायजों लोगोसे गेजेर थाखोनि बार बारनो हागौ। जायजों बिदुडाव सरसनखा दावखलायनायखौ नुनो हागौ। बावैसो सिगां जिल्लानि गाहाइ मावख'जों लोगोसेखाथि-खालानि ओन्सोलाव सरसनखा अखा हनायजों लोगोसे बदरीनाथ हेमकुन्डजों लोगोसे गोजौ हाजो थिखिनिफोराव बरफ गोग्लैदोंमोन।

## गं 70 उरं जाहाजफोरखौ बम होनो हुमखिनि उनाव बिसिएएसनि गाहाइ बिथोनगिरिआ आर'ज गाबदों

गोदान दिल्ली, 20 आगस्ट:

हादरनाडै एयार लाइन्सखौ बम होनो हुमखि मोन्नाया सोलियासिनो दड। थानाय शनिवारखालि सानसेयावबो 30 निखुडु बांसिन उरं जाहाजफोरखौ बमजों उरायहोनो हुमखि मोनो। बे हुमखि होनायफोरनि जाहोनाव दावबायारिफोरनि गेजेराव गिनाय थासारि सोमजियो। बिसोर जेनाजों मोगा-मोगि जानादों। बेनि गेजेरजों बिसिएएसनि गाहाइ बिथोनगिरि जुल्फिकार हासानआ गिदरि बाश्रा बुडे। बिथाड बम होनायनि नंखाय हुमखि होनायफोरनि सायाव थाबैने कन्ट्रल खालामनाय जागोन होनाने बुडे। जौनि भारतयारि अखाड आबुडै रैखाथियै दडआरो दावबायारिफोरा जेबो गिनांगो गैयालासे दावबायनो हागोन।

बिसिएएस डिजि जुल्फिकार हासानआ बुदोंदि, नंखाय हुमखि होनायफोरनिफ्राय बास'नो थाखाय एयारलाइन्स आरो रैखाथि एजेन्सिफोरनि गेजेराव सोमोन्दो लाखिनायसिनो दड। थाखानाय प्रकलआ थारैने गोखोडेनो दड आरो बेखौ गाहामैने फालिगासिनोबो दड। बे बिथिडाव एयारलाइन्सनि थान्दैफोरजों लोगोसे जथुम्माबो जायो। एयारलाइन्स कम्पनीफोरा गावसोरनि जेनाफोरखौ बिसिएएसनि गाहाइ बिथोनगिरि जुल्फिकार हासाननि सिगाडव लाखिदों। बिसोर लान्थियै मोनबाय थानाय हुमखिफोरनि सायाव गोलावै सावरायदों। कम्पनीफोरनि तान्दैफोरा



बुंनय बादिल्ला, फोर्बो बोथोरआव बम होनायनि हुमखिनि जाहोनाव एयारपर्टआव होंगो-दोंगो जानो हागौ। बिसिएएसआ रैखाथि एजेन्सिफोरजों लोगोसे हाबा मावगासिनो दड होनाने बुडे।

लान्थियै बम होनायनि हुमखि मोन्नायनि जाहोनाव एयारलाइन्सखौ सरसनखानियै सालायनाय जेना सोमजिगासिनो दड। बे हुमखिफोरजों एयारलाइन्स, रैखाथि हान्जा आरो दावबायारिफोरनि सायाव गोबां

गोहोम गोग्लैगासिनो दड। थानाय 1 सप्ताहआव गं 70 निखुडु बांसिन उरं जाहाजफोर बम होनायनि हुमखि मोनखोबाय। स्पाइस जेट आरो एयार एसिया नि गं 5-5 फ्लाइटआ बम होनायनि हुमखि मोन्दों।

गोदान दिल्ली, 20 अक्टूबर:

पाकिस्ताननि संगालि एजेन्सि आइएसआइआ दीवालनि खाथि-खाथि पान्जाबआव गिदरि जाथायखौ फिन्नाय होनो खैसार सागासिनो दड। बेनि थाखाय उतखारि गेन्टर गठजडनि मदत लागासिनो दड। कानाडायाव थानाय उतखारि गुपतवन्त सिं पन्नु आरो पाकिस्तानआव थानाय हरभिन्दर सिं सिन्दिनि मदतजों आइएसआइआ लान्थियै पान्जाबआव इरानि गेजेरजों हाथियार दैथायहरगासिनो दड। बावैसो सिगां फिजपुरनि सिमनायाव थानाय ओन्सोलाव सिमना रैखाथि हान्जा (बिएएसएफ)नि फार्सेनिफ्राय बोखानो मोन्नाय 1.180 कि:ल: आरडिक्सआबो इसिनि बाहागोमोन। पुलिसनि सुलुंनि दाबि दैखानाय बायदिब्ला, बे खेपखौ आइएसआइनि गेजेरजों पाकिस्तान सिखाउफोरनो मोनहोनो थाखाय आमेरिका नि सात्रै हेक्साकाप्टर इरानि



गेजेरजों गाख्खायदोंमोन। मोन 6 पांखा थानाय बे इरानआ 10-12 किल लिखाइ दिखानायवाव जाफुंसारनो हादों। बेराफार्से आइएसआइआ गावसोरनि थांखिफोरखौ फिन्नाय होनो थाखाय लान्थियै नाजागासिनो दड। मख'नो गोनांदि, उतखारि पन्नु इन्टारनेट मिडियाआव पान्जाबनि लाइमोनफोरखौ थगायगासिनो दड। फार्सेथिं फिजपुर जिल्लानि गामि बहादुरकेयाव पाकिस्ताननि सिमनाजों नांजाबनाय बिअपिनि खाथियाव बोखानाय 1.180 किल' बेरफु'ग्रा बेसादखौ नायबिजिनो थाखाय दैथायहरनाय जाबाय। बे बाश्राखौ बिएएसएफ पान्जाब प्रन्थियारि आइजि अतुल फुलझेलेआ बुदों।

बेनि जाहोनाव बिएएसएफआ आरडिक्सखौ बोखानायवाव जाफुंसारनो हादों। बेराफार्से आइएसआइआ गावसोरनि थांखिफोरखौ फिन्नाय होनो थाखाय लान्थियै नाजागासिनो दड। मख'नो गोनांदि, उतखारि पन्नु इन्टारनेट मिडियाआव पान्जाबनि लाइमोनफोरखौ थगायगासिनो दड। फार्सेथिं फिजपुर जिल्लानि गामि बहादुरकेयाव पाकिस्ताननि सिमनाजों नांजाबनाय बिअपिनि खाथियाव बोखानाय 1.180 किल' बेरफु'ग्रा बेसादखौ नायबिजिनो थाखाय दैथायहरनाय जाबाय। बे बाश्राखौ बिएएसएफ पान्जाब प्रन्थियारि आइजि अतुल फुलझेलेआ बुदों।

## एआइआ बिजनेस इक'सिस्टेमखौ सोलायहोनेो हमदों: रिपर्ट

गोदान दिल्ली, 20 अक्टूबर:

आर्टिफिसिएल इन्टेलिजेन्सआ खामानिनि खाबु बांहोगोन ना साखिखौ खोमाहोगोन? बे सौथिआ बयखौबो जिंगायाव खोखलैदों। गोबाव समनिफ्रायनो सोलिबोनय बे जिंगानि गेजेराव पालांगि म्लुगआव गोबां सोलायनायखौ नुनो मोन्दों। रोखायै

बेनि गोहोमखौ नुनो मोनाखैब्लाबो कम्पनीफोरा गावनि सुबुंखौ सोलिया जोन्थोरफोरनि खामानियाव एआइ बाहायनायखौ बांहोनेो हमदों। सुबुं जोन्थोरनि फोथारआव खामानि मावग्रा मुलुगनॉ फसंथान ससाइटि फर हिउमेन रिसार्स मेनेजमेन्टनि

गोदान रिपर्ट बादिल्ला, सार्भेआव थाफानाय 65 जौखोन्दो कम्पनीफोरा गनायदोंदि, बिसोरो गोदान मावफारिया थिसन्नायाव एआइनि मदद लाबाय। गोदान दिल्लीआव खुंनय एएसएसआइएएमनि बोसोरि सन्मिलनआव आर्टिफिसिएल



इन्टेलिजेन्स प्लास हिउमेन

इन्टेलिजेन्स रिपर्ट फोसावदों।

बे सार्भेआव बेखोबो मिथिनो नाजादोंदि, फालांगि मुलुगआव एआइआ बेसेबां गोहोम खोखलैदों। सुलुंनि बादिल्ला, सार्भेआव बाहागो लानाय कम्पनीफोरनि 65 जौखोन्दो आ फोरमायनाय बादिल्ला, खामानिखौ लानाने गोनांथिआ एरैबादि बांबायदि मोनसे साखि

एबा पस्टनि थाखाय रोजा-रोजा आरज गाबो। बिबिद थासारिआ एइसआर सामलायगिरिनि खाथियाव साबसिन सुबुंखौ एबा रोंगथि गोनांसिन सुबुंखौ थिसन्नायनि सेलेन्जआ बाडे। बेखौ नोजोर होनाने थिसन्थाय हाबाफारिआव एआइखौ बाहायगासिनो। बेजों गोहोखौ

सिनायथिनायाव गोलेसिन आरो गोखैसिन जानाने फेयो। बेबादिने 37 जौखोन्दो कम्पनीफोरा मावफारियाफोरनि ट्रेनिं आरो डेभेलप प्रग्रामफोराव एआइनि मदद लानो जागायदों। पारफर्मेस मेनेजमेन्ट सिस्टेमआव एआइ बाहायनाय कम्पनीफोरनि अन्जिमाआ 28 जौखोन्दो जाफेबाय।



# सौदि आरबनि 100 रियालआ भारतआव बेसेबां रां जायो मिबथिनो गोनां

मुलुगानि गुबुन गुबुन हादतफोराव भारतआरिफोरा खामानि मावहैयो। बिबदिनो सौदि आरबआवबो खामानि मावहैनाय गोबां भारतआरिफोर दड आरो बांसिन रां आर्जिनो बेयाव थानो हास्थायो। नाथाय मानो बेयाव थाना खामानि मावहैनो लुबैयो? बेनि फिनायखौ नोंथाड खोनायोब्ला सोमो नानो हागौ। सौदि आरबआ दरसे सिमानि हादत बायदि। बैयावनि जोंखलाबनाय हावे लिफोरा शेखफोरनि जोंग-मागा जिउ खानायनि इसार होयो। अदेबानि बैयाव खायसे सुबुफोरा दावबायनोल' थाडो। नाथाय गोबांआनो रां आर्जिनयनि एबा जिउ खानायनि राहा लामा नागिस्ता थाडो। गुबुन हादतआरि मावख'नि सौदि आरबआव 24,63,000 भारतआरिफोरनि खामानि मावहैना



दड। बिसोरनि बांसिनानो कन्ट्रक्टरनि वाकर। सोरबाया बैयाव फालांगि खालामो आरो खायसेया साखि मावहैनायबो दड। बिसोरनि अनगायै बोसोरफ्रोमबो लाख-लाख दावबायारिफोरा हज आरो उमरानि थाखायबो सौदि आरबआव थाडो। सौदि आरबनि रांखान्थिखौ सौदि रियाल होन्ना बुडो। भारतआरि रांखान्थियाव

100 रियाल मोनोब्ला बेयो भारतआव 2,234 रां जाफैगोन आरो 1 लाख भारतआरि रांखौ सौदि आरबआव लाडोब्ला 4,476.11 रियाल जाहैगोन। बेनि ऑथिया जादों भारतनि रांनिफ्राय सौदि आरबनि रियाल एबा रांआ बांसिन। बिबदिनो 1 लाख रियाल मोनोब्ला बेयो भारतआरि रांखान्थियाव 22,34,073.51 रां जाफैगोन। जाडनाव भारतआरिफोर बैयाव थाना रां आर्जिहैनो हास्थायो।



1 रियालनि बेसेना 22,34 रां जाफैयो। बिबदियाव बैयाव

## इन्डियान पब्लिक स्कूल कन्फारेन्सनि भलिबल टुर्नामेन्टआ जाफुंसारै जोबलांबाय



गुवाहाटी, 20 अक्टूबर: माइल्स ब्रन्सन रिसिडेन्सिएल स्कूलजों खुंजानाय इन्डियान पब्लिक स्कूल कन्फारेन्स आन्डर 14, 17

आरो 19 गार्ल्स भलिबल टुर्नामेन्टआ अनु चन्द्र अडिटरियाम आरो माल्टि स्पर्टस क मप्लेक्सआव जाफुंसारै

जोबलांबाय। आन्डर-14 केटेगोरिनि सिडव हरियानानि मतिलाल नेहरु स्कूल अफ स्पर्टसआ देहासार जायो। जेयव

हिसारनि बिद्यादेबि जिन्दाल स्कूलआ रानार्सआप आरो तेजपुरनि आसाम भेली स्कूलआ फास्ट रानार्सआप जानो हायो। आन्डर 17 केटेगोरिआव हिसारनि बिद्यादेबि जिन्दाल स्कूलआ सेम्पियन जादों। जेयव हरियानानि मतिलाल नेहरु स्कूलआ रानार्सआप आरो इन्डरनि दा इमिरल्ड हाइ इन्टरनेसनेल स्कूलआ फास्ट रानार्सआप जानो हादों। बेबादिनो आन्डर 19 केटेगोरिआव मतिलाल नेहरु स्कूलआ सेम्पियन, माइल ब्रन्सन रिसिडेन्सिएल स्कूल बरजारआ रानार्सआप जानो हादों।

# रंजालि गथ'फोरनि सौरा

## जाखोसे सैमा फागला

जाखोसे सैमा फागला गोथां बेदर मोनामनायाव बोदोर जादों, दरसे बेदरखौ लाना अरलायदों बिसोर गावनि' फान्था सानना। जेन बादायलायदोंसो - खुरखलाब खुरसि अरखलाब अरसि सेख'लायना मोनजानोल' नांगौ, नाथाय सोर देरहागोन सोर जेनगोन? सोरगिदिं बेदर गोथानि मोनामफुंनय। सैमा फोरा रां नायदों जाम्बा आजोला सुबुं फोरा गावनो गावनि गोथै हाखरखौ जावै जावै लादों, गदों ख'दै लें लें बै सैमा फागला फोरनि! अब्लाबो थद'आखै बिसोर फौ फौ सोडे-सोडे-आवगाय लादों आरो आवगाय लादों! सोरगिदिं एना एनि आरो दावराव सैमा फागला रोनावनायाव खर' सुबाव जानाय सुबुं फोरा गिनानै गावख्रावदों -- रेखा खालाम - हे आफा बोराइ बाथौ। सालाइनफ्राय ख'दै लें लें गदों थौने आर्थिनि आसुराव गोथां बेदर बिसोरनि थिफुद्ला आखुआव माखासे सुबुंफोरा - गावनो गावनि गोथै हाखरखौ जावना लादों।

पबित्र ब्रत दैमारी  
ग'लाघाट

## सायखं नों रज्जे

गोदै रावजों गोथार अनलायनायनि फिथिखाजों रेखुब गोसोनि इसाराजों, गोजोन बुल्बुनि फाखनजों गसायनि बोसोन होनाय जों जारिमिन सुजुनि सानैजों फे अनजालु खाथियाव आंजों। दा बुरखायजा र'जे नों बेरेखा सुबुं हारिजों दा थगायजा नंखाय सिमांजों हेंथा दाजा र'जे नों आंजों दुखु-सुखु जिउनि लोगो नों आंजों हांमा दोनदो सुबुं हारिखौ बरायना होफैदो गिथाव हरखौ आं होफैया र'जे दुखु हांमाखौ बालेब जोमैया नागार लादों सोमखोर हाजोखौ नाथाय आदि नेवसि हाया र'जे नोंखौ। हायनारि मिथिगाया गुबुन महर लायो बोथोरा अराय सोलायो रंगिना बिबाराबो हनै लहाय लाडो। नाथाय नोंखौ मोजां मोनाया जुगामि थायो र'जेखौ फेगौ जोनोम आवबो हास्थायो।

थरायना रिमा ब्रह्म  
जिल्ला:- कक्राझार।

## नों बावबाय नामा?

नों बावबाय नामा आदि नोंखौ बेसेबांवा मोजां मोनो, नाथाय नोंखौ मोननो थाखाय आदि नोंखौ सान थोवा हर थोवा गोसोखांवाइ थायो। थायो आं सना आनि बेसेबांदि आनि अननाय आरो मोजां मोनाइ फोरमायनो सानो, आं सना गोबां बिखा बुंफबनानै आं नोंनो आनि अननायखौ आं फोरमायनो सानो, नाथाय हाया नोंखौ लोगो हमनो, फोरमायनो सानोदि आं नोंनो आनि गोसो गोबांनि बाथा नोंनो बेखेवना होनो नाथाय नाथाइ आनि गोसाआल' खुद्रिदों, नाथाय नोंजों बाथा फंसे राइन्लाइनो सानो, नाथाय नोंखौ लोगो मोनब्लानो आनि खुगाया गेवा; आं जेबो बुजिनो हालिया नोडो आनि मोजां मोनाइखौ मोन्दां हाबाय बोला फोलोमदो नों आनि हाबिला गोसोखौ, बिनानाव दं आंहा नोंनि थाखाय हांमा आनि गोसो गोबांआव, होदो नों नोंनि खुगानिफ्राय फंसे नोंनि गोदै राव।

मुश्री फानु एल नाजारी  
काशीबारी हाइ स्कूल।  
जिल्ला- कक्राझार, बि.टि.सि.

## निजोम फुंबलि

निजोम फुंबलिनि समाव दाउसिन - दाउलानि रैसुमे देखोयाव बोदोर गोसो आनि मानोबा जालाडो जावलिया। निजोम फुंबलिनि शेवाली बिबारनि मोदोमफर मोदोमनाय, सिरि मोनखांहोयो गोसोखौ आनि आरोबाव हायना सारफावो निजोम फुंबलिखौ सानजा रण्णोनि जोंथि - माथि आलाय आरनया, आरोबाव जासिनो अबोला गोसो आनि हांखुर।

रकी नाजारी  
बर' बाजार सोलेंसालिमा,  
चिरां

## थफिहानाय बिबारा सिरिबाय

नोंनि होनाय अत्रायव.. रानजिनय बिफानि गोरान दालाइयाव गोरलै बिलाइ खिलिबायमोन। नोंनि होनाय रादायखौ लाना गोबांआव समायना सिमां सुजुदोंमोन, नोंनि आंजों जुलि जागोननि समाय लानाया आनि गोबांआव नोंनि आनि अत्रायनि देरा लुहोदोंमोन। नाथाय.. नोंनि आस'खान्दा रादाय, नोंनि फोथाइ खेबस' अत्रायनि रावफोराव थफिहानाय समायना बिबाराबो सिरि लांबाय रजे, गोब्राब बारनि सिमत्रेजों सिरिना, समायना बिबारनि बिफाडबो गाव गैयै लांदांसो जाबाय।।

आलेरा बर'  
बर' बाजार सोलेंसालिमा, चिरां

## जोनि गामि

सानजानि जारौ साना नुजा बोबाय लोगो लोगो सोरां मिथिगानि अराय। नाथाय आय'....आनि जोनोम गामि। गैया समायना-रमायना महर बिबारनि बारि सोमखोर गोथां हाजो-हाला सारि सारि। गासैबो दंनयमानि गोरान आबाद फाथो, बेसर, सेभिनि अनगा गोदान आबाद। गैया रावबो साखि बाखनि गिरि बयहाबो फोथारनि आबादारि। गायनो-फुनो गैजाया दंग'-जाम्फे, गैया जेब्लाबो ओंखामनि आखाय-बेदरनि आलि। बेनो जॉनि जोनोम गामि आमिनफारा। खोलो खोलो बार बारनाया मिथिगाजों दावसिन दावज्ला गावनाय देखोजों। समाय आ फागुनि थिं थिं साननि बिदुं, रानम्राव बारहावा जेब्लाबो गुदुं बिफां-लायफां, औवा, रायदों रानजोबो। गैजाया दासिमबो मोब्लिन सोरां लाबोग्राबो गैया गामिखो अराय सोरां। बेनिफ्राय दुखु थियासिन मा गामि दं बे मिथिगानि बिखायावलाय....?? बेनो जॉनि गामि...आमिनफारा।।

मुश्री रिनदाव बसुमतारी  
गामि:- आमिनफारा, पाटगाव  
जिल्ला:- कक्राझार ( बड' लेण्ड )।

## गोथां आबिर

खाबाय जों सानैनि गेजेराव रादाय थार-गोरोंथिनि उनाव दोन्ना मोखथांआव महर होनो होन्ना। सोर बुड गावखौ मोजां होन्ना? थैनायनि उनावबो मानसि जोनोम सोर लुबैया जुवान बैसोआ जोबोद थगायसुला बुहुमआव जोनोम थैनायनि अनजिमा गैया नाथाय गुनि अनजिमा दडो। जानो हागौ सुबुड बेखायनो मोजां-गात्रि मावफलाडो जाय गोरोंथिखौ जों हमादांस' हाया; खनथायगिरिफ्रा बुडो- बिबार थस'लाइनि दैआ जिउजों समान मानोना सुबुंआ अरायनि थाखाय नडा।

मुस्रि दैदेन सि. फादां  
जिल्ला:- बागसा।

## जुलिया नडा गुबुनजों

माया गोनां बे बुहुमाव जोनोम मोनफेबाय आं मानषि महरै। फुंबलि बायदि लाइमोन बैसोआव ओंखार जेन्नाय सान गोलै बायदि अनजिमा गैयै सानबोलावरिजों उसिफावो लाइमोन बैसोआ। जीउनि बैथा गैयै दिडयाव गाखोहां जानायावनो लोगो मोनजेनदोंमोन नोंखौ आं स'ना। नोंखौ लानानै सिमां सुजुदोंमोन बेसेबांवा रंगिना सिमां नाथाइ..... नोंदि आंखौ गारनानै थाखोमायो सम-सम आन्दो आन्दो जेसेबांखि नों आन्दो आन्दो थादोंमोन, आं नोंखौ नुगासिनो दंमोन। आंबो नोंनि आन्दोआव थानानै सुजुदोंमोन दुखुनि खन्थाय। ईशोरा सोरजि हरदों आंनो मोनसेल' जीउ नडब्ला लोगो मोन्दोंमोन गोबां जीउनि लोगो, नैबे जोनोमाव जुलिया नडा गुबुनजों, मानोना नोंखौ लानानै समाय लाबाय ईशोरनि खाथिआव। जायनि थाखाय राहा गेला नोंखो बावगारनो जेसेबांखि बारहुंखा-सारअन्थाइजों हेंथा होआ----- आवगाय लांगोन जुलिनि गोथार फोरबोआव। नोंनि आनि जुलिआव बारहुंखा-सारअन्थाइजों आनि जीउखौ फोजोब लांथों थेवब्लाबो..... नोंनि अनगा जुलिया नडा गुबुनजों।

मुश्री लखिकाट दैमारी  
गामि:- हाथिधुरा  
ला:सो:- खुंग्रि  
जिल्ला:- सिरां, बि.टि.सि. ( आसाम )

## सिमानि जोहोलाव

सोर नों जोहोलाव? सिमाडवल' गेलेफैयो आंजों आमाइ-जुमाइ। नाथाय मोकथाडव गेलेफैया नों आंजों आमाइ-जुमाइ। सोर सिमानि जोहोलाव? राइदावयो आंजों नों दाव खौओनि गारांजों बिलिरो नों फागुनि बार जानानै। बोदोर बावलि दाखालामसै नों जोहोलाव। मोकथाडव नागिरनो नोंनि अन्नायखौ गोबांआव बजबनो, मोना नाइखलेंना एराइ लांयोसो। आनि बे हाबिलास मिजिंखौ दाजंखाय नों दावखौओनि गारांजों। बिदाइ होदो आंखौ सिमाडवनो ए जोहोलाव।

मिस बिबारी बर'  
गामि:- बालाथड।

## बर' हादोर

जोनोम आनि आसाम हादोरव राव आनि बड' फोलेराव थायो गोजोन सुदेम देरायाव दैदेनगिरि बड' जोहोलावनि राव आनि बड' बिमानि रिखाडो देखो रावनि। जाबोबाय गोदो गोदाव सोराव बड' हारि देरहाबो फिनबाय फारि-फारि बेनो आनि बड' हारि। देरबाय लावबाय मिजिंथिबाय रोंबाय राबाय बराय जाबाय नुबाय खोनाबाय रंजाबाय।

थरायना अनिमिया नाजारी  
गामि:- गोरं तिनालि  
ला:सो:- हालतुगाव  
जिल्ला:- कक्राझार।



## इज्राइलआ हिजबुल्लाहनि केम्पफोर आरो गाजायाव उरां जाहाजजों गाग्लोबदों

जेरुशालेम, 20 अक्टबर: इज्राइलआ माखासे बिथारिफोरनि गेजेरजों गावसोरनि सुथुरफोरजों मोगा-मोगि खालामगासिनो दड। फार्सेथिं हिजबुल्ला आरो हामासआ लीगोसेयै इज्राइलनि सायाव गाग्लोबगासिनो दड। बेरा फार्से, इज्राइलआ हारसिडेनो बे उतरखारि आफादजों सेलेन्स लागसिनो दड। बेनि गेजेरजों थानाय शनिबारखालि हिजबुल्लाहआ गाहाइ मन्थ्र बेन्जामिन नेतन्याहुनि गावआरि न'आव रेकेटजों गाग्लोबदोंमोन आरो आथिखालाव इज्राइलनि सान्थिफोरा बेरुतयाव थानाय हिजबुल्लाहनि हाथियार सुबिधाफोरनि सायाव गाग्लोबो। सुलुडव फोरमायनाय बायदिल्ला,



जेब्ला नेतन्याहुनि न'आव गाग्लोबो अब्ला बियो न'आव गैयामोन। सोमोन्दै इज्राइलआ बुडोदि, इराननि मदतगिरि हिजबुल्लाहआ नेतन्याहुनि न'आव गाग्लोबनायै जोबोद

गिदिर गोरोन्थि खालामबाय। रायटारनि ाबायदिल्ला, इज्राइलआ बे दाननि जगायनायाव जानाय इराननि मिसाइल गाग्लोबनायनि सायाव नायबिजिरफन्नो थियारि

खालामगासिनो दड। इज्राइलआ गाजायाव हामासनि हेँथायै गाग्लोबनायखौ गोखों खालामदों। हामास मिडियानि बायदिल्ला, इज्राइलनि बम गावनायाव गाजानि बोरियारि

ओन्सोलाव सा 100 निखुइ बांसिन सुबुंफोर थैयो आरो गं 3 देहा फाहामसालिफोरनि खाथि-खालायाव बे'खन्ना लादों। थानाय शनिबारखालि इज्राइलनि उरां जाहाजफोरा खोला गाजायाव सिनवारनि सावगारि आरो खोरंजों लोगोसे हामासआ आथिखालाव गाजायाव खुंथाइ खुंनया नलिया होन्ना फोसावो। फार्सेथिं हामास मिडियाआ बुंदोंदि, थानाय शनिबारखालि सा गाजा शहर बेट लाहियाआव गंसे गोबां थाला थानाय बिल्डिंआव इज्राइलनि गाग्लोबनायफोराव खमैब्लाबो सा 73 सुबुंफोर थैयो आरो गोबां सुबुंफोरा जोखोम जायो। बेरा फार्से, इज्राइलनि सान्थिफोरा सा गाजायाव उरां जाहाजजों गाग्लोबनायाव खहा जानायफोरनि अन्जिमाखौ नायबिजिरगासिनो दड।

वाशिंठन, 20 अक्टबर: आमेरिकान उद्यगपति एलन मास्कआ फिन खेबसेबाव इलेक्ट्रिक भटिं मेसिन (इभिएम)नि सायाव सौंथि खालामदों। मास्कआ बुंदोंदि, भटिं मेसिनफोरजों बिसायख थियाव गेनाखाथि सोलियो। बिथाडा लेखा-बिलाइजों बिसायख थि खुंनगौ होन्ना दाबि खालामदों। मास्कनि बुंनया बायदिल्ला, गावनो टेक्निकजों लोब्बा थानाय। बेनि जाहोना जादोंदि, कमप्युटर प्रग्रामआव आबुं फोथायनो हाया। बेखौ हेक खालामनाया गोरलै जायो। एबिसि निउजनि रिपर्ट बायदिल्ला, उद्यगआरि एलन मास्कआ पेन्सिल्वेनियानि मोनसे टाउनहलआव भटिं मेसिननि फोथायजाथावखौ लाना सौंथि खालामो आरो बुडोदि, डमिनियान भटिं



मेसिनफोरखौ फाडेल्फिया आरो मेरिका काउन्टियाव बाहायनाय जायो। नाथाय गोबां जायगाफोरव बाहायनाय जाया। बेखौ नोजोर होथावना बायदि मोनो। हादतनाडै लेखा बिलाइनि भट जानांगौ आरो बेखौ आखायजोंनो सानांगौ होन्नाबो बुडो। एलन मास्कआ जाय डमिनियान कम्पनीनि भटिं मेसिनखौ रायखंदों बेनि सायाव थानाय बोसोरव एक्स निउजआ भटआव गेनाखाथि खालामनायनि दाय जाबसिन्दोंमोन। अदेबानि उनाव

निउज सेनेलनि सायाव कम्पनीआ मानहानि केस खालामो आरो बे केसआव 787 मिलियन आमेरिकान डलारनि रादायाव जोबथायो। मास्कआ फिन्याय होनायनि उनाव डमिनियाननि बुंथिगिरिआ गावनि बाथाखौ बुंथियो। मास्कआ बुंवावोदि, गुबै आयदाया जादों डमिनियानआ फिलाडेल्फिया काउन्टिआव सिबिथाइ होया। गावसिन भटिं प्रग्रामआ सिगानिफ्रायनो भटफोर सोनाय लेखा बिलाइनि भटफोरनि सायाव बिथा खालामनाय।

## हमासआ थानानै दड आरो इयुनावबो थागोन: अयातुल्लाह आली खामेनेइ

तेहरान, 20 अक्टबर: इजराइलआ हमासनि सिफ याहया सिनवारखौ जिउ फोजोबो। थानाय 16 अक्टबरआव इजराइल सान्थिआ बोसोरसे सिगानिफ्राय नागिरबाय थानाय सिनवारखौ जिउ फोजोबो। बेनि उनाव इरानआ इजराइलनो सेलेन्ज होयो आरो खिथेर लानायनि बाथा बुडो। इराननि जौसिन दैदेनगिरि अयातुल्लाह आली खामेनेइआ शनिबारआव बुंदोंदि, सिनवारनि थैनाया गिदिर खहा होन्ना नै बुंजायो। हमासआ थानानै दड



आरो इयुनावबो थागोन होन्ना खामेनेइआ बुडो। बियो याहया सिनवार थैनायखौ दुखु फोरमायनानै बिखौ बीर मुजाहिद होन्ना नै बुडो। सिगांफार्से बुंवावोदि, इरानआ

फोथायजाथाव फिलिस्तानी मुजाहिदफोरजों जेब्लाबो गसंफागोन। बेराफार्से इराननि जौसिन दैदेनगिरिआ बुडोदि, इजराइलआ गोबाव समसिम गोखों जुजिनो हानाय नडा।

थानाय बोसोरनिफ्रायनो इजराइल सान्थिआ सिनवारखौ नागिरगासिनो दडमोन। बिनि सायाव थानाय 7 अक्टबरआव इजराइलआव उतरखारि गाग्लोबनायनि बिथाडानो मास्टरमाइन्ड होन्ना दाय दडमोन। सिनवारआनो दावहा दोन्थ 'नायनिबो हेँथा होबाय थादोंमोन। थानाय बोसोरनि जुन दानआव इराननि राजथावनि तेहरानआव हमासनि गाहाइ इस्माइल हानियानि जिउ गोमादोंमोन। बिनि उनाव सिनवारखौ हमासनि गोदान दैदेनगिरि फोसावदोंमोन। सिनवारखौ जिउ फोजोबनो हानायनि उनाव आमेरिकानि हादरगिरि ज बाइडेनआ फनआव इजराइलनि गाहाइ मन्थ्र नेतन्याहुजों सावरायो आरो हामलायथि होयो। सिनवार थैनायनि उनाव दावहा दोन्थ 'नाय आरो बे'खनआव लांजानायफोरखौ रैखा खालामनायनि लामाया गेवगोन होन्ना नैबो बाइडेनआ आसा फोरमायदों।

## जापाननि खुंथायाव थानाय पार्टिनि गाहाइ मावख'आव बमा गावनाय जाथाय सोमजिदों

टकिय', 20 अक्टबर: गाहाइ मन्थ्र न'नि तरजों सौंखनायखौ कारजों सौग्रावफैनायनि उनाव सासे सुबुड जापाननि खुंथायाव थानाय लिबारेल डेमक्रिटिक पार्टि (एलडिपि) नि गाहाइ मावख'आव माखासे फायारबम गारफैयो। बे जाथायाव रवबो जोखोम जायाखै। टकिय' पुलिसआ सरकारि हाबाफारियाव हेँथा होनायनि दायआव गाग्लोबरा 49 बोसोर बेसोनि अत्सुनुबु उसुदाखौ जाथाय सालिनिफ्राय ग्रेप्टर खालामो। बे गाग्लोबनायनि थांखिखौ दासिमबो रोखायै मिथिनो मोन्नाय जायाखै। नाथाय मिडियाआव फैन्या खोरंफोरव बुदोंदि, बियो जापानी आयेननि गेजेरजों बिसायख थि गेलोनो थाखाय होनाय रंखाथिजों गोजोनाखैमोन। बे जाथाया चान्दा आरो टेक्स खानायजों



लोब्बा गोनं रंखाथियारि गेनाखाथिनि जाहोनाव एलडिपिनि सुबुंफोरनि गेजेरव अन्सायनाय खमायनायनि फोरमान। पार्टिआ बावैसो सिगां गाहाइ मन्थ्र शिगेरु इशिबाखौ गोदान दैदेनगिरि सायख'नानै सावगारिखौ साबसां होनो नाजायो। नाथाय माखासे बिजाथिफोरनि सायाव गात्रि

आखु दिन्थिनायखौ नोजोर होनायै जेबो मुलाम्फा जानाय नुनो मोनाखै। फैगो 27 अक्टबरआव हादतआव संसदननि दागाइ सदरनि थाखाय भट खालामनाय जागोन। बिथाडा जों जेब्लाबो इउक्रेनजों लोगोसे गसंफागोन होन्ना बुडो। शुल्जआ बे बाथाखौ आमेरिकानि हादतगिरि ज' बाइडेननि सिगाडाव जुथायै

खोरंगिरिफोरनि मेलआव बुडो। बेरा फार्से बाइडेनआ बुडोदि, जों इउक्रेननि सान्थियारि हेफाजाव आरो बेयावनि मोब्लिबनि बिथिडव मदत होनायनि सायाव सावरायगासिनो दड। बबेखानि राशियानि गाग्लोबनायनि जाहोनाव मोननैबो ओन्सोलाफोरव गोबां हेफाजावनि गोनाथि जाना दड।

## हन्डाआ गिबियै फ्लेक्स-पिउलजों खारग्रा सिबि 300 एफ बाइक लन्च खालामबाय



चेनेल एबिएस आरो हन्डानि सेलेक्टेबल टार्क कन्ट्रोल मोनो। बेनि अनगायै इउएसडि फर्क आरो 5-स्टेप एडजास्टेबल रियार मन शक सास्पेन्सन, कम्पाटिबल राइड मोन्दाथिगोन। बेयाव अल-एलएडि लाइटि सिस्टेमबो दड। सिबि 300 एफ नि फुल डिजिटल इन्स्ट्रुमेन्ट पेनेलखौ 5 ले भेलनि कास्टमाइजेबल ब्राइटेसजों लोगोसे मोनो आरो स्पीड मिटर अड'मिटर, टेकमिटर, पिउल गेज, टुविन ट्रिप मिटर, गियार पजिसन इन्डिकेटर आरो गंसे घडि बायदि खौरं मिबथि होयो। बेयाव मोनसे इन्टेलिजेन्ट इथेनल इन्डिकेटरबो दड। सोलिफु बोसोर 2024 आव हन्डा सिबि 300 एफ फ्लेक्स पिउलआ मोनसेल' भेरिएन्ट आरो मोननै गाबनि अप्सन स्पर्टस रेड आरो मेट एक्सिस ग्रे मेटेलिकआव मोनो हागोन। बेनि बेसेनखौ 1,70,000 रं थि खालामदों।

## इज्राइलआ इरानआव गाग्लोबनो थियारि खालामदों

गोदान दिल्ली, 20 अक्टबर: खोला लेबानन आरो गाजानि उनाव इज्राइलनि सान्थिआ इरानआव गाग्लोबनायनि थियारि खालामदों। आमेरिकान संगालि बिफाननि मोननै लेखा बिलाइआ लीक जानायनिफ्राय बेखौ मिबथिनो मोन्दों। खौरं बिलाइ निउयर्क टाइम्सआ लीक जानाय लेखा बिलाइनि बाथाखौ लानानै खौरं सेबखंदों। बेयाव बुंनया बायदिल्ला, आमेरिकानि सेटेलाइटआ माखासे औँबैबायदि माखासे सावगारि सोराडव फेदों,



जायखौ नुनो इज्राइलआ गिदिर नायबिजिरनाय एबा गाग्लोबनायनि थाखाय गावनि सान्थिफोरखौ थियारि खालामगासिनो होन्ना मिबथिनो हादों। थानाय 15 आरो 16

अक्टबरआव ससेल मिडिया प्लेटफर्मआव इरानखौ हेफाजाव होग्रा माखासे एकाउन्टफोरव माखासे लेखा बिलाइ शेयार खालामदोंमोन। गाग्लोबनायनि थाखाय सान्थियारि

हाबाफारियाव नांथाबदों। नेसेनल जियस्पेशियेल-इन्टेलिजेन्स एजेन्सि (एनजिए) निफ्राय मोनो हानाय लेखा बिलाइफोरव बेखौ सोराडव लाबोदोंदि, इरानआव गाग्लोबनायनि थियारिनि थाखाय


इज्राइल सान्थिया गोखों थियारि खालामदों। मख'जाथावदि, थानाय 1 अक्टबरआव इरानआ इज्राइलआव मिसाइलजों गाग्लोबदोंमोन। जायनि उनाव बे दरै हादतनि गेजेरव दावहा बायदि थासारि सोलियो। इरानआ हिजबुल्लाह आरो हामासजों गसंफायो आरो मोननैबो आफादनो रंखाथियारि आरो सान्थियारि मदतबो होयो। फार्सेथिं नेतन्याहु सरकारनि मन्थ्रआ बुदोंदि, इज्राइलआ थागोन। नडब्ला इरानआ थागोन। लीग जानाय लेखा बिलाइखौ लाना आमेरिकानि जिगाया बादों आरो बेयो माबोरै लीग जानो मोनखो बेखौ आमेरिकान सरकार सदानो जागायबाय।

गोदान दिल्ली, 20 अक्टबर: हन्डा मटरसाइकेल एन्ड सुकुटर इन्डिया (एड्स एमएसआइ)आ दिने हादतनि गिबि फ्लेक्स-पिउलजों खारगा बाइक सिबि 300 एफ खौ लन्च खालामो। बेयो भारतनि गिबि 300 सिबि फ्लेक्स पिउल मटरसाइकेल। बायगिरिफोरा लिडारसिपआव 2024 हन्डा सिबि 300 एफ फ्लेक्स-पिउलखौ बुक खालामनो हानाय जाबाय। बे बाइकनि बेसेनखौ 1,70,000 रं (एक्स शरुम, दिल्ली)थि खालामदों। बे बाइकआ 293.52 सिबि, अयेल कुलड, 4 स्ट्रक,

सिंगल-सिलेन्डर पिजिएम-एफआइ इन्जिनजों लेस जाय इ 85 इन्चन जखा जायो। बेयो 18.3 किडब्लिउनि पावार आरो 25.9 एनएमनि पिक टार्क सोमखां होयो। बाइकनि इन्जिनआ 6 स्पीड गियार बक्सजों सरजाबनाय। बेयाव मोनसे एसिस्ट स्लिपार क्लाचबो दड, जायजों गियारआ गोखै शिप्ट जायो आरो गियार सोलायनाय समाव रियार व्हील हारिपिंखौ होबथायो। सिबि 300 एफ फ्लेक्स-पिउलआव मोननैबो साकायाव डिस्कब्रेक डुएल-

## आमेरिकायाव हरखाबै नौका गाथोननि बाहागोआ बायग्रबदों

वाशिंठन, 20 अक्टबर: आमेरिकाआ मोनसे नौका गाथोननि बाहागोआ बायग्रबनायजों गिदिर जाथाय जादों। बेयाव खमैबो सा 7 सुबुंफोरनि जिउ गोमानाय खौरंआ सोराडव फेदों। मिबथि होनाय जादोंदि, बे जाथाया आमेरिका गइज्यो जजियानि सेपेल द्विपआव जादों। बे जाथायनि खौरंखौ सरकारि एजेन्सिनि बुंथिगिरिआ होदों। जजियानि नेचारेल रिचरसेस बिफननि बुंथिगिरि टयलर जन्सआ मिबथि होयोदि, माखासे सुबुंफोरखौ देहा फाहामसालियाव लानाय जाबाय। टयलर जन्सआ बुडोदि, आमेरिकानि कस्ट गार्ड, मेकिन्स काउन्टिनि अर हुखोमोग्रा



बिफान, जजियानि नेचारेल रिचरसेस बिफन आरो गुबुन बिफननि मावसुमाफोर दैआव गुबुन माखासे सुबुंफोरखौबो नायबिजिरासिनो दड। टयलर जन्सआ मिबथि होबावदोंदि,

गाथोनाव मोनसे 'गेंगवे'आबो बायग्रबदोंमोन आरो सुबुंफोरा दैआव गोरलैदों। बे जाथाया द्विपआव आश्वेत गुलाम फोलेरजों लोब्बा थानाय फिसा गुल्ला-गिचिनि सुबुंफोरनि थुबुर

जानानै रंजानायाव जादोंमोन। अदेबानि बेयो सेपेल द्विप सवानानिफ्राय खमैबो 100 किल'मिटर खोला फार्सेदडआरो गाहाइ हानिफ्राय नावनि गेजेरजों सहैनो हायो।

## भारतनि जुनियर हकी हान्जाआ जापानखौ फेजेन्नायजों जागायदों

गोदान दिल्ली, 20 अक्टबर: भारतनि जुनियर हौवाफोरनि हकी हान्जाआ सुल्तान जहर कापआव जापाननि हेँथायै 4-2 गलआव देरहानानै गावसोरनि गोखों फर्मखौ फोरमानआव लाबोदों। भारतनि जानानै बे समाव आमीर आलीआ 12 मिनिट, गुरजत सिंहआ 36 मिनिट, आनन्द सौरभ कुसवाहाआ 44 मिनिट आरो अंकित पालआ 47 मिनिटआव गल सोदों। गुबुन फार्से जेन्नाय हान्जानि जानानै सुबासा तानाकाआ 26 मिनिट आरो रकुसे यामानाकाआ 57 मिनिटआव गल सोदोंब्लाबो हान्जानि जेन्नायखौ होबथानायाव फेलें जादों। भारतनि गिबि गेलेनायाव बारग' गल कियार पिआर श्रीजेशआ गावनि कामान्डआव हान्जाखौ गोजोनायजों जागायहोनो हादों। मानोनो सोलिफु समाव बिथाडा जुनियर हौवाफोरनि



हान्जायाव गोदान कच महैरै बिबानआव दड।



## श्रेयश अय्यरआ अन्सायगिरिफोरनि गोसोखौ देरहादों

गोदान दिल्ली, 20 अक्टबर: रन्जि ट्रफीआव मुम्बाइ आरो महाराष्ट्रनि गेजेराव गोखों सेलेन्ज होज्लायनायखौ नुनो मोन्दों। मुम्बाइनि हान्जाआ गावसोरनि गिबि इन्सिआव 441 रान लादों। बे समाव मुम्बाइनि जानानै भारतीय हान्जानिफ्राय बाइजोआव थानाय अय्यरआ सेन्सुरि रान लादों। बिथानि मददजोंनो मुम्बाइनि हान्जाआ गिदिर रान स्करसिम सौहैदों। बे समाव अय्यरआ 142 रान लादों। अय्यरआ गावनि इन्सिआव



खेब जिने 4 रान आरो खेबब्रे 6 रानजोंनो अय्यरआ सेधि थारखोनि रान लादों। गावनि सेन्सुरि क्रिकेटआव गावनि 6 रोजा

( 1 बिलाड़िनफ्राय )

## पानेरि दख 'रा एबसुआ 2थि रोंगौथि सायख' आन्जाद खुदों

बर' फरायसा आफादिनि सोलेंथाइ बिथिखव मावनो लानाय सोलेंथाइयारि जांखिखां मावथांखिनि सायाव बेसेनगोनां बिबुधि लाखि लानायनि गेजेरजों बेखेवजेनानै होयो उदालगुरि जिल्ला दुलाराय बर' फरायसा आफादिनि गहाइ नेहाथारि बाबुल बर'आ। दख 'रा आफादिनि सिखव थानाय सोमलिगुरि गुदि फरायसालि, जराफुखुरि गोजौ फरायसालि, कचुबिल इउ एन एकाडेमि, बेंबारि गोजौ फरायसालि आरो सोनाब सागलिझार गुदि फरायसालि बे मोनबा आन्जाद मिरुआव गासै 281 फरायसाफोरा दिनेनि आन्जादआव जिरायदों होना मिबधि होयो दख 'रा आफादिनि आफादिगिरि मिथिंगा बर'आ। फेगों 27 अक्ट खालाराव उदालगुरि जिल्ला दुलाराय बर' फरायसा आफादिनि बान्जायनायाव जानो गोनां रोंगौथि सायख' आनजादिनि थाखायबो दख 'रा आफादआ साखाफारा। बेजों लोगोसे मिरु दुलाराइ बर' फरायसा आफादिनि देग्लायनि रोंगौथि सायख' आन्जादआव जिरायनो थाखायबो उननि समाव जानजि खाफ्राना दड होना बुनायजों लोगोसे उन्दै उन्दै फरायसा-फरायसुलिफोरनि दिथागिरि बिमा बिफाफोरनि मदद आरो हेफाजाब आबो दिने सानाव खम जानायखौ नुनो मोन्याय जायाखे आरो गुबुन गुबुन बोसोरफोराव बेबायदि आन्जादखौ खुफुंबोनायनि जानाव दख 'रा एबसुनि बेंखनाव थानाय फरायसा फरायसुलिफोरा बायदि बिथिखरि आन्जादफोराव जिरायनो थाखाय आरो जाफुंसार जानो हानाय साहस आरो गुनखौ मोनो हानायखौ दख 'रा आफादआ मोनदादों आरो बेनि फिथाया गोदै रोसि गोनां जादों होनाबो दिनेनि हाबाफारिजों लोब्बा लाखिनानै गावनि बिबुधिआव फोरमायो आफादिगिरि बर'आ। बेखेवगिरि आलासि महरै उदालगुरि जिल्ला दुलाराय बर' फरायसा आफादिनि गहाइ नेहाथारि बर'जों लोगोसे थुनलायारि लेखइ नेहाथारि सोमबा ब्रम्, लोगो बुंथिगिरि मोनसिं ब्रम्, लोगो गेलेमु नेहाथारि सायखं बसुमतारी, उदालगुरि जिल्ला बर' थुनलाइ आफादिनि लोगो आफादिगिरि कुलेन बसुमतारी, समाज सिबियारि बिनुद दैमारि, उदालगुरि जिल्ला एबसुनि थुनलाइयारि नेहाथारि माइनावस्ति दैमारिजों लोगोसे दख 'रा एबसुनि मावधि आरो फरायसा फरायसुलिफोरनि दिथागिरि बिगोमाफोरनि नुजाथिनायाव दिनेनि हाबाफारिया मोनसे गाबगोनां जाफुंसार महर मोनो हायो।

## इण्डनेसियानि हादतगिरिनि समाय खिरा लानाय हाबाफारियाव मन्थि पबित्र मार्घेरिताआ बाहागो लादों

समाव मन्थि मार्घेरिताआदिने जाकार्ताआव थानाय इण्डनेसियानि संसद भवनआव खुंजानाय हादतनि गोदाने सायख 'जानाय हादतगिरि प्रब'व सुबियान्त आरो लेखइ आफादिगिरि गिन्नान राकाबुमिं राकानि समाय खिरा लानाय हाबाफारियाव बाहागो लानानै सानैबो दैदेनगिरिनो भारतनि गहाइ मन्थि नेरन्द मदिनि जानानै गहाम हामब्लायथि जासियो। बेनि अनगायैबो बे दावबायहैनाय समाव गुबुन हादतआरि मन्थि मार्घेरिताआ इण्डनेसियाआव थानाय भारतनि गोजौ सारिनि कम्पनीफोरनि गहाइ मावफुं सोद्रोमाफोरजोंबो सावरायलायो। मख 'नो गोनांदि, इण्डनेसिया-भारतनि फाफ्रोमबो बिथिनि जौगाथाय खान्थिनि मोनसे बाहागोगिरि हादत आरो हादतनि गोदाने सायख 'जानाय हादतगिरिनि समाय खिरा लानाय हाबाफारियाव भारतनि गुबुन हादतआरि मन्थि बाहागो लानाय दरनैबो हादतनि गोलाव समनि लोगोयारि सोमोन्दोखौ फिन गोखों खालामदों।

## गसाइगावआव जोहोलाव निलेस्वर ब्रह्मनि सायाव सावराय मेल, मेथाइ आरो खन्थाइनि जथायनाय बिजाब बेखेवदों

हान्जा 'फिथिखा' आरो कक्राझार बर' साखिआवला थुनलाइ आफादिनि बान्जायनायाव बाबुबिलआव खुंनाय सावराय मेलव साहित्य अकाडेमि बान्था मोनगिरि ७ जनिल कुमार ब्रम्आ बाहागो लानानै बर' थुनलाइ -हारिमुनि जौगाथायाव जोहोलाव निलेस्वर ब्रह्मनि बिहोमाया सिमना गैया होनानै बुडो। गुबुन फासैथि, दिनेनि बे सावराय मेलव जोहोलाव निलेस्वर ब्रह्मनि सोरजिथाय मेथाइ आरो खन्थाइनि जथायनाय गांसे बिजाबखौ बेखेवनाय जायो। कक्राझार बर' साखिआवला थुनलाइ आफादिनि आफादिगिरि अजित नाजरीनि आफादिगिरि मासि सामब्लायनायाव खुंनाय बे सावराय मेलव बिटिसिनि बारा' प्रिन्सिपाल सेक्रेटारि प्रफुल्ल हाजवारी, इडिपिपेलनि गहाइ नेहाथारि रजु नाजरीनि अनगायैबो माखासे गागि थुनलाइगिरि, फरायसालिनि फरायसा आरो ओन्सोलनि रइजो-रजाफोरबो बाहागो लायो। हाबाफारिनि गिबियाव जोहोलाव निलेस्वर ब्रह्मनि सावरायारि बिबार बाउनानै मान बाउनय जायो।

## गसाइगावआव नंखाय स 'नानि नावजों लोगोसे सानै फालांगिरिखौ हमदों

रजुआ खारखुमा लानो हायो होनानै मिथिनो मोन्याय जादों। जाथायनि बागै मिथिनो मोन्याय बादिब्ला, गसाइगाव सापकतानि थागिरि फिस्टुस आलि एबा रजु मुनि थगायसुला सुबुख महाराष्ट्रनि आशिष रजु साउरा आरो गौरब गिरामकारखौ फनाव जगाजग खालामनानै बाइड बेसेनावनो स 'नानि नाव होनो लभ दिन्थिनानै गसाइगावसिम लिंहरदोंमोन। बे बायदियै मैया महाराष्ट्रनिफ्राय आशिष रजु साउरा आरो गौरब गिरामकारआ गसाइगावआव नुजाथिफेयो। महाराष्ट्रनिफ्राय फेनाय गौरब गिरामकारआ खौरं बिजोंनि सिगाडव फोरमायनाय बादिब्ला, फिस्टुस आलिआ गावखौनो रजु मुडै सिनायथि होनानै गौरब गिरामकारजों फनाव रयन्त्यायनानै स 'नानि नावखौ बाहाइ बेसेनाव फानो लभ दिन्थिनानै आसामाव लिंहरदोंमोन। महाराष्ट्रआव सरसनस्त्रा मावफारियानि खामानि मावनानै जिउ खुंनाय गौरब गिरामकारआ 2.5 लाख रं बुथुमो आरो गावनि लोगो आशिष रजु साउराखौ लाफानानै गसाइगावआव नुजाथिफेयो। गुबुन फासैथि, सिगांनो प्लेनि खालामनाय बायदियै फिस्टुस आलि एबा रजुआ गंसे इ-रिक्साआव सानैखौबो तेलिपारानि मोनसे जायगायाव लाडो आरो 2.5 लाख रंखौ लानानै नंखाय स 'नानि नावखौ गथायनानै जायगानिफ्राय खारखुमा लाडो। गुबुन फासैथि, गौरब गिरामकारआ सन्देहजों स 'नानि नावखौ मोजाडै नायबिजिरो आरो नंखाय होनानै रोखा जायो आरो थाबैनो ओन्सोलनि रइजो-रजाफोरनि हेफाजाबाव जाथायनि बागै पुलिसनो खौरं हरो। गुबुन फासैथि, पुलिसआ जाथायनि सायाव थाबैनो संदानानै जाथायजों लोब्बा थानाय इ-रिक्सा सालायगिरि आसिमुदिन शेख आरो लखिमपुरनि नंखाय स 'ना फालांगिरि कुजरात आलिखौ हमनो हायोब्लाबो फिस्टुस आलि एबा रजुआ नोगोर 2.5 लाख रंखौ लानानै खारखुमा लाडो। दासान्दि जाथायनि गुबै दायनिगिरि फिस्टुस आलि एबा रजुखौ नागिरनानै पुलिसआ हाबाफारि लागामिनो दंलाबो बे खौरंखौ लिन्साय समसिम पुलिसआ फिस्टुस आलिनि जेबो खौरं दिहुनो हायाखे।

सेन्सुरि रानआ हान्जानि गेजेराव फोथायथि लाबोदों। मेचनि उनाव खौरंगिरिनि मोगा-मोगिआव अय्यरआ गोबाव समनि उनाव गावनि मोजां फर्मआव फैफिनो हानायखौ गोजेनाय फोरमायदों। लोगोसे थानाय समनिफ्रायनो गावनि बे फर्मनि थाखाय फारियै नाजाबोनायखौ फोरमायदों। लोगोसे गावनि बे फर्मखौ दिदोमै लाखिलां नो नाजागोननि फोथायथि होनानै बेजों लोगोसे देहानि फिटनेसनि सायावबो नाजानाय थागोनखौ फोरमायो। अय्यरखौ सोलिफु बोसोरनि गिबि समआव भारतयारि क्रिकेट बर्डनि मिरुवारि थिखानाय फारिलाइनिफ्राय बोखारनाय जादों। बिथाडा थानाय फेबुवारि दानआव इलेन्डनि हेंथायै नख 'रारि टेस्ट सिरिजआव गेलेखानाय उनाव आगस्ट दानआव श्रीलंकानि बेरेकायै वन्दे सिरिजआवबो गेलेनो खानु मोन्दों।

( 1 बिलाड़िनफ्राय )

## बासवारिनि बिपिएपनि दैदेनगिरि, गागि आर्टिस्ट हितलार बसुमतारिनि रुंसारि

6 रिगायाव गावनि न 'यावनो जोबथा हां बोयो। मिथिनो मोन्याय बादिब्ला थानाय माखासे साननिफ्राय हितलार बसुमतारिआ गोब्राव बेरामजों नाखेबजानानै दोंमोन। थैनाय समसिम बिथाड बिपिएफनि बासवारि गुदि आफादिनि गौथुमारि नेहाथारि महरै खामानि मावनाय हितलार बसुमतारिआ सासे बर' सुबुं हारिमुनि सिबियारि एबा आर्टिस्टमोन। लोगोसे बिथाडा सासे समाज सिबियारिबोमोन। थैनाय समसिम बिथाडा गोजौ सारिनि हारिमुवारि आफाद बासवारि कृशिट आफादिनि आफादिगिरि महरै खामानि मावदोंमोन। सासे रोंग 'सार सिफुं, सेर्जा, खाम बायदि दामजु दामगिरिमोन हितलार बसुमतारिआ। थैनाय समाव बिसि, सासे फिसाज्जला, सानै फिसाजोजों लोगोसे गोबां गहाम अन्साइगिरिफोरखौ बे संसाराव अरायनि थाखाय एंगारलानाय हितलार बसुमतारिनि अबंधिरायै थैनायाव बिपिएफ दोलोजों लोगोसे गुबुन गुबुन समाजारि, हारिमुवारि, रजखान्थियारि दोलो-आफादफोर आरो बासवारि ओन्सोलनि रइजो-रजाफोरा गोथौ दुखु मोन्याय फोरमायो।

## 11 थि जथिन इस्लारी मुख्लं गोसोखां जोलुर् बादायलायनाया जागायबाय

लोगोसे बिटिआर खुंथायनि गेलेमु आरो लायमोन जौगाखां बिफाननि हेफाजाबजों खुंफुंनो दिनेनिफ्राय जागायबाय। जतिन इस्लारीआ कक्राझार जिल्ला गेलेमु गौथुमनि गायसनगिबि गहाइ नेहाथारि, सासे राज्योआरि थाखोनि रेपि, सासे गोखों गेलेगिरिमोन। रुंसारि जतिन इस्लारिनि गोसोखांथिआव बे 11 थि गोसोखां जोलुर् बादायलायनायखौ सालाकाति 2 नं सातबिन्दो गामिनि जोहोलाव सोमला बसुमतारि गेलेग्रा फोथाराव दिनेनिफ्राय जागायनानै 28 अक्टबरसिम गासै 9 साननि हाबाफारिजों खुंफुंनो लानाय जादों। बे हाबाफारियाव गहाइ आलासि महरै बाहागो लानानै गेलेनायखौ बेखेवनाय होयो आसाम जोलुर् गौथुम (आसाम फुटबल एस 'सिएसन)नि गहाइ नेहाथारि ७ सांरां ब्रम्आ। लोगोसेनो बाहागो लायो साइनि बारा' ओन्सोलनि बिथोनगिरि ७ सुभासे बसुमतारी, बिटिसिनि लेखय नेहाथारि रिजेन्द्रनाथ ब्रम्, बि टि गेलेमु बिफाननि सिप्टेसडि सोमदोन मोसाहारिमोनहा।

## सालाकाति दख 'रा एबसुनि बान्जायनायाव समाजयारि साइकेल हान्जा सुरदों

आरो फानहैजानाय, नख 'र गारनानै गुबुनजों खारनाय, देहायारि फालांगि खालामनायनिफ्राय जानगाराव थानाय बायदि बायदि समाजारि बेरेखा हाबाफोरनिफ्राय जानगाराव थानो आरो समाजखौ गोग्गोयै लाखिनो बेनि सोलायै हाबा हारिमुखौ बांहोनो, फरायसाफोरखौ गोग्गो सोलेंथाइ लानायवाव बाहागो लाहोनो थांखिजों बायदि बायदि स्ल 'गान होनानै साननैनि हाबाफारिजों साइकेल हान्जा सुरदों सालाकाति दख 'रा एबसुआ। दख 'रा एबसुनि बेन्दोखव थानाय आमगुरि गामिनि गुदि फरायसालिनिफ्राय जागायजेनानै दख 'रा एबसुनि बेन्दोंनि गासै गं 31 गामिफोरखौ फोनांजाबनानै गोग्गो समाज दानो बयखौबो खावलायदों सालाकाति दख 'रा एबसुआ। सालाकाति दख 'रा एबसुनि आफादिगिरि दनेन नाजरीनि मासि लानानै दैदेन्याय बेखेवनाय हाबाफारियाव कक्राझार जिल्ला एबसुनि आफादिगिरि कृपेस दैमारीआ बेखेवगिरि आलासि महरै बाहागो लानानै साइकेल हान्जा सुरनाय हाबाफारिखौ बेखेवनाय होयो। लोगोसे बाहागो लायो लोगो आफादिगिरि मनिन दैमारी, लोगो गहाइ नेहाथारि राथिया बसुमतारि सोलेंथाय नेहाथारि बिनय मोसाहारीमोनजों लोगोसे ओन्सोलनि माखासे सानसुमैफोरा।

## राइज्यो बेंगिरिनि आसामनि प्रतिभा प्रत्साहन यजना 2024-25 नि स्क्रिनि आन्जादखौ राइज्योनाडै-नो जाफुंसारै खुदों

लक्ष्मण प्रसाद आचार्यजों सानखांनाय आरो जागायजेन्याय हाबाफारि। बे बिथांखिनि थांखिया गोसो गुदु बिनायसाफोरनो इडिपिएससि, सुबुं सिबिथाय आन्जादिनि थाखाय बेसेन नाडै फोरोंथाय होनाय। गोदान दिल्ली (एनसिआर) नि मुंदांखा एजेन्सिफोर फारियै पवन चिन्तन धारा आश्रम आरो आर्य प्रतिभा विकास संस्थानजों सोलेंथायनि खानु होनाय जागोन। गासै आन्जाद मिरुफोराव जिल्ला खुंथायनि आबु मददजों स्क्रिनि आन्जादखौ राज भवन, आसामआ खालामयो।

## गिबि मन्थिआ मिशन बसुन्धरा 3.0 बिथांखिखौ बेखेवबाय

आखा-फाखा गोरोबलायनायखौ खानु गोनां खालामनो थाखाय रान्याय जागोन। मावथांखि सिडिउजिनि सिखव, बिफाननि सरकारि मावख 'गिरिफोरा गोनांथार सुंजोब्रनि थाखाय जुनियारै थिखानाय सिम कार्डफोरजों खानु गोनां जागोन। गिबि मन्थि ७ शर्माआ खाजोना बिफाननि डिजिड'कखौबो बेखेवनाय होयो, जाय रेबथुमजायै आरो सायख 'जाथाव रेबथुमजाथाव खाखिफोरनि थाखाय मोनसे डिजिटल डाइरेक्टरि। बे डाइरेक्टरिया सिबिथायफोरखौ मोजाडै खालामगोन, जारि खालामनायनि समखौ बाइय खालामगोन आरो राइजो-राजानि खानुखौ बांहोगोन आरो सौहैनो हानाय आरो आखा-फाखाथिखौ जौगाहोगोन। बे हाबाफारियाव ७ शर्माया राइज्योआव थानाय गासैबो मोजादारफोरनि मावख 'फोरखौ डिजिटल जौगाहोनो थाखाय गंफ्रोमबो मावख 'नो 1 लाख रानि राइरि अन्सुथाइबो गथायो। बे फालिथायाव बिबुधि होनानै, गिबि मन्थि ७ शर्माआ बुडेदि, "जों बिबान सामलायनायनि एसे उनावनो, जों आसामाव थागिबि हारिफोरनो हानि मोनथाय होनो थाखाय मोनसे मिसनाव आगान होयो- उदासिनि 75 बोसोरनि उनाव लानाय मोनसे हाबाफारि। 2 अक्टबर, 2021 माइथायाव मिशन बसुन्धरानि जोनोमा बे नोजोरजों जादोंमोन।" बिथाड बुंबावोदि बे मिसनखौ मावफुंनो थाखाय ओंखारलानायनि एसे उनावनो, राइज्यो सरकारा गुबुन गुबुन मुलाम्फा मोनग्राफोरनिफ्राय मोन्याय जाफेरे अन्जिमानि आर 'जलाइफोरजों सोमोनांदोंमोन। आर 'जलाइनि बे मोन्याय आसामाव हाजों सोमोन्दो गोनां हाबाफारिफोरनि राइज्यो सरकारनि नाजानायखौ गनायथि होयो। गिबि मन्थिआ बुडेदि राइज्यो सरकारा एमबि 1.0 नि सिखव गु दानाव दाइन लाख आर 'जलाइफोरखौ फोजोबदोंमोन। ७ शर्माआ बुंबावोदि गोबां गोहोखौ हमदांनो हानाय, गुबैयै राइज्योनि थागिबि सुबुंफोरनो हानि मोन्थाय होनायाव, बिथानि सरकारा नभेम्बर 2022 माइथायाव मिशन बसुन्धरानि नैथि बिसानखौ जागायदोंमोन आरो बोसोरसेनि गेजेराव नै लाखनिबो बांसि थागिबि सुबुंफोरनो हानि मोन्थाय होदोंमोन। "बे गुवार मिशननि गेजेरजों जॉनि थांखिया थाबैनो गोनांथि गोनां हान्जाफोरनो हानि बिगोमाथि होनाय आरो गुबुन गुबुन हाजों सोमोन्दो गोनां सिबिथायफोरव रोखाथि लाबोनाय। एमबि 3.0 आ जॉनि सरकारजों हानि मोन्थाय आरो आसामनि सुबुंफोरनि सिनायथिखौ रेखाथि होनो थाखाय लानाय आरोबाव मोनसे गोखों आगान जागोन।" बेनि अनगायैबो गिबि मन्थिआ बुंबावोदि मिशन बसुन्धरानि सिखव हानि मोन्थाय मोननो थाखाय मोनथाम जोलैनि फोलेरनि गोनांथि दं। बबेखानि, एससि, एसटि, साहा हारिसा आरो गखां सुबुंफोरा मोनथाम फोलेरनि फोरमान खालामनायनि गोनांथि जानाय नख मानोना बिसोरो हानि फिसाफोर। बिथाड बेखौबो फोरमायोदि प्रिमियामनि हारआ नोगोराव थाग्राफोरनि थाखाय ओन्सोलारि बेसेननि 3 जौखोन्दोसिम बाइय आरो। बेनि अनगायैबो बिथाड फोसावोदि बिथानि सरकारा थाबैनो जाफेरे हा फोसावनाय लाबोगोन आरो गासैबो हा बिगोमाफोरनो हा पासबुक जारि खालामगोन। बिथाड नोजोर होयोदि हा पाट्टा होनायनि गेजेरजों राइज्यो सरकारा 'जाति, माटि आरो भेट' (सिनायथि, हा आरो बिथा) नि थांखिखौ गोखों खालामगासिनो दं। मोननो हानाय सिबिथायफोरनि सायाव नोजोर होनानै गिबि मन्थिआ बुडेदि एमबि 3.0 आ खेंफोरथिनि थाखाय थाबथानानै थानाय एमबि 2.0 केसफोरनि नायबिजिरनायखौ जाफुंसार खालामगोन, नोगोरारि आरो सोरगिदि ओन्सोलफोराव जुक्तिगोनां प्रिमियाम हारजों बोसोरारि पट्टा सोलायनाय, साहा अन्सुथाइ हाखौ सम सम पाट्टायाव सोलायनाय, सिगांनि भुदान/ग्रामलेन्ड हाखौ थिसननाय बायदि बायदिखौ फोजोबनो हागोन। बेनि अनगायैबो, बिथाड बुडेदि फेबाय थानाय समाव राइज्यो सरकारा आरोबाव गोबां हाबाफारिफोर जागायगोन जाय राइज्योनि सुबुंफोरनि खानुबायव जांखिखांनाय लाबोनो हानाय गोहो दं। बे हाबाफारियाव खाजोना मन्थि जोगेन महन, आखाइ-इसान आरो सि-जोम बिफाननि मन्थि उखाव गोरा ब्रम्, मोब्लिब गोहो मन्थि नन्दिता गर्ल 'सा, गहाय नेहाथारि ७ रवि कटा, डिजिपि जि.पि. सिंह, नखर आरो राजखान्थियारि बिफाननि उफ्रा सिफ सेक्रेटारि अजय तिवारी, गिबि मन्थिनि सिफ सेक्रेटारि ७ के द्विबेदि, खाजोना आरो अलखद सामलायथिनि सिफ सेक्रेटारि जि.डि. त्रिपाठी आरो सरकारनि गुबुन गोजौ थाखोनि बिबानगिरिफोरा बाहागो लायो।

## राइज्यो बेंगिरिआ 17 थि दुलाराइ आसाम इन्टार डिस्ट्रिक् खमलायनाय चैम्पियनसिप 2024 नि जोबथा हाबाफारियाव बाहागो लादों

बादायलायनाया लाइमोन खमलायगिरिफोरखौ गोजौ थांखि लानो आरो राइज्यो आरो हादतनि मुं लाबोनो थाखाय थुलुंगा होयो। बिथाड बुडेदि देरहानाय आरो जेन्नाया गेलेमुनि गोनांथार बाहागो, बाहागो लानाय बांसिनि गोनांथि दं, मानोना बेयो मिजिं सोमजिहोयो आरो एथलिटफोरनि रोंग 'थिखौ गोखों खालामनायाव मदद होयो। गेलेमुनि बालांनाय गोनांथिखौ नोजोर होनानै राइज्यो बेंगिरिआ बुडेदि सिगां समफोराव सोलेंथायनि फारसे गेलेमुफोरखौ नेवसिनाय जायोमोन। बबेखानि, गहाय मन्थि नेरन्द मदिनि दैदेन्यायाव आरो राइज्यो सरकारनि गोखों रादाइनि सिखव, गेलेमुफोरा गोनांथि मोन्दों आरो गोजाम सान्नायफ्रा गोरोंथि सान्नायफोरखौ फोजोबख्सांदों। बिथाड बुंबावोदि राइज्यो सरकारा गासै आसामाव गेलेमु रोंग 'थिफोरखौ जौगाहोनो आरो फेदेरनो थाखाय सांघाडैयहा लागामिनो दं। राइज्यो बेंगिरिआ गासैबो बाहागो लागिरिफोरखौ बरायो आरो बिथांमोनखौ गावसोरनि गोब्राव नाजानाय आरो बाउसोमनायखौ लाखिनो खावलायो, जाय बिसोरखौ गाव-गावनि थांखिखौ मोनफुंनो आरो इयुन जोलैफोरनि थाखाय मोनसे थुलुंगा महरै खामानि मावनो हागोन। राइज्योनि गेलेमु मन्थि नन्दिता गर्ल 'सा, मंगलदेनि एमपि दिलिप शइकिया, आसाम अलिम्पिक गौथुमनि गहाय नेहाथारि लख्या कनवार आरो गोबां गेदेमा सुबुंफोरा बे हाबाफारियाव बाहागो लायो।

## शिलं दालाय दुलाराय बर' फरायसा आफादआ 2024-2025 माइथायनि गोदान मावफुं आफादखौ दाफुंबाय

2025 माइथायनि शिलं दालाय दुलाराय बर' फरायसा आफादिनि मावफुं आफादखौ गोदाने दाफुंनाय जायो। आफादिगिरि महरै थरायना भेनिसा बसुमतारि आरो गहाइ नेहाथारि महरै मुलुग मुसाहारिनो बिबान होनानै गोखों मावफुं आफाद दाफुंनाय जायो। बोसोनगिरि महरै फारियै बारा' आफादिगिरि पबित्र मुसाहारि आरो नेहुनि पि एडस डि स्क 'लार सुनिता बर'नो बिबान होनाय जायो। मख 'जाथावदि, हाबाफारियाव दुलाराय बर' फरायसा आफादिनि लोगो गहाइ नेहाथारि दिनेश ब्रम्, रांगिरि सरनजित नाजिनारि, सुबुं फोनांजाब नेहाथारि सोमदोन ब्रम् आरो लोगो थुनलाइयारि नेहाथारि ७ सिबिसन नाजरी बिथामोना बाहागो लायो।

## रुंसारि मंगलसिं मुसाहारि फुटबल ट्रफीआ खुंफुं जाबाय

बर 'लावगाव थेंफाखि क्लाबनि बान्जायनायाव खुनाय जोलुर् बादायलायनायनि दिने फाइनाल गेलेनाया जानानै थाडो। सान्ताल ब्रादास क्लाब आरो दहलापारा रनसाय क्लाबनि गेजेराव जानाय जोबथा गेलेनायाव टाई-ब्रेकारनि गेजेरजों 5-4 गलनि फारागथियाव सान्ताल क्लाबआ सेम्पियन जानो हायो। सेम्पियन हान्जानो नोगोद 50,000 रंजों गंसे ट्रफी आरो रानार्स-आप हान्जानो नोगोद 30,000 रंजों लोगोसे गंसे ट्रफी गथायनाय जायो। बेनि अनगायैबो अब्रुथि आरो आखा-फाखा गेलेनायजों रनसाय क्लाबनि गेलेगिरि बाबा कुकिआ साबसिन गेलेगिरि बान्था मोननो हायो। गुबुन फरसेथिं सिलबारि अन्जालि क्लाबनि गेलेगिरि सुकुंसार बसुमतारीआ बांसिनि गल सोनारनि बान्थाखौ मोननो हायो।



# गाहाम देहानि राहा

## माखासे बिफानि बिलाड़या मेंनाय आरो लोरबांथिखौ जानगार हाय

आयुर्भेदिनि बायदिव्ला, निम बिलाड़या गासै सावस्त्रिनि थाखाय जोबोद मुलाम्फा गोनां जानो हागौ। मुलियारि गुनफोर जों बुंफबनाय बे बिलाड़नि स्वादआ गोखा जानो हागौ, नाथाय बेखौ जानाया मुलाम्फा गोनां जानो हागौ। गोजाम समनिफ्रायनो गोबां सावस्त्रि जेनाफोरनिफ्राय रैखा मोनो थाखाय निम बिलाड़खौ बाहायनाय जायो। जुदि नोंथाड जेब्लाबो मेंनाय आरो लोरबां मोनोब्ला निम बिलाड़खौ जानांगौ। निम बिलाड़या बिबुनि सावस्त्रिखौ गोबां बिबाडव साबसिन खालामनो हागौ। उदैन जेनाफोरनिफ्राय रैखा मोनो थाखाय निम बिलाड़नि बिदेखौ लोनो हायो। साबसिन फिथाय मोनो थाखाय सानफोमबो फुडव 4-5 निम बिलाड़खौ



सावसुवना जानो हायो। जुदि इम्पुन सिस्टे मखौ गोखौ खालामनो लुबैयोब्ला नोंथाड आदाराव निम बिलाड़खौ सोफादेरनो हागोन। निम बिलाड़खौ नेमबादियै जाबाय थायोब्ला गावखौ खनले-खनले लोमजानायनिफ्राय रैखा खालामनो हायो। निम बिलाड़या देहाखौ डिटक्सिफाइ खालामनायाव गोहोम गोनां जानो हागौ। निम बिलाड़खौ मेगननि सावस्त्रिनि थाखायबो मुलाम्फा गोनां होन्ना मानिनाय जायो। निम बिलाड़याव प्रटिन, के लिसियाम, भिटाविमिन-सि, फाइबर, कार्बहाइड्रेट, फस्फरास, पटेशियाम बायदि गोबां बिबांनि पुष्टिगोनां गुदिमुवाफोर थायो। बेनि अनगायैबो निम बिलाड़फोरा एन्टीबैक्टेरिया, एन्टीभाइरल आरो एन्टीफांगल गुनफोरजों बुंफबनाय। बेफोर गुदिमुवाफोरनि थाखाय, आयुर्भेद रोंगसाफोरा निम बिलाड़ जानो सुबुरुन होयो।

# 'सिंघाम एगेन' सावथुनआ दिवालीआव दोहौ सोमजिहोनो थाखाय साखा-फारा

रहित शेट्टिनि 'सिंघाम' सावथुनआ जेब्ला 2011 माइथायाव रिलिज जादोंमोन, अब्ला रावबो सानाखैमोन जानांगौ जे बे सावथुनआ सुबुंफोरनि थाखाय सावथुनल नड नाथाय बेजों इमसनआबो दंफायोमोन। बेनि उनाव 2014 माइथायाव 'सिंघाम रिटान'आ सिनेमाहलफोराव नुजाथिदोंमोन आरो 10 बोसोर उनाव बे काप इडनिभासनिफ्राय सिंघाम एगेन सावथुनआ रिलिज जानो थाखाय थियारि जाबाय। मेकासफोरा सावथुननि प्रमशनखौ जागायबाय। सिंघाम एगेन सावथुनआ बे खेबआव करिना कापुर आरो अजय देवगाननि अनगायै आरोबाव माखासे फावगिरिफोरनि महरखौ नुनो मोनगोन। बे काप इडनिभासनि सावथुननि सल'खौ मेकासफोरा रामायणजों सरजाबफादों। बावैसो सिगां मुम्बाइआव रहत



शेट्टि आरो आजय देवगानआ सिंघाम एगेन सावथुनखौ प्रमसन खालामदों। बेनि गेजेरजों बिथांआ क्लासिक कल्ट लाइन 'आता माझी सटकली'नि सोमोन्दै मिबथि होयो, जाय सिंघाम सावथुनआ अजयनि डायलगमोन आरो दिनेसिम बे सावथुननि बयनिखुइ हिट लाइनफोरनि

गेजेरव मोनसे रहित शेट्टिनियाव सॉलु खालामनाय जादोंमोनदि, मा नोंथाड मिथिखागौमोन नामा जे सिंघाम सावथुननि रिलिजनि उनाव आता माझी सटकलीआ मोनसे आइकनिक लाइन जागोन? बेनि सायाव रहितआ बुडोदि, जों खालि बै फावगिरिफोरनि थाखायल' डायलगखौ लिदोंमोन- सिंघाम

आरो भिल्लेन जयकान्त सिखेरनि थाखाय महाराष्ट्रीयान स्टाइलआव बे डायलगखौ लिदनाय जादोंमोन आरो बेयो आइकनिक लाइन जादों। बिथाडा खालि खुनसेल' बे लाइनखौ बुडो, नडब्ला भिल्लेना बे लाइनखौ खनले खनले बुंनगौ जायो। जौनि थाखाय बेयो खालि मोनसे लाइनल'मोन, जाय उनाव कल्ट लाइन जादों। सिंघाम एगेनआव दिपिका पाडुकण आरो टडगार श्रफनि मुंआ गोदान स्टाइल कास्टनि महशर सरजाब जादों। बेव अजुन कापुरआ सासे भिलेननि फाव दिन्थिदों। बेकाप इडनिभासआव रणभिर सिं आरो अक्षय कुमारआबो गहाइ सिन होदों।

## मुंदांखा फावखुंगुर मंगेश कुलकर्निआ रुंसारि जाबाय

लिरगिरि आरो देंखोगिरि मंगेश कुलकर्निआ 76 बोसोर बैसोआव रुंसारि जाबाय। सावथुनफोराव एक्टिं खालामनायनि अनगायैबो बिथांआ लिरगिरि आरो डायरेक्टर हिसाबैबो खामानि मावदों। बिथांआ देंखोगिरि हिसाबैबो मुंदांखामोन। बिथांआ शाहरुख खान आरो जुहि चावलानि सुपरहिट बलिउड फिल्म 'येश बस'खौबो लिददोंमोन, आरोबाव मोनसे मुंदांखा सावथुन जायखौ बिथांआ लिरगिरि हिसाबै मुंदांखा जानो हादोंमोन आरो बे सावथुनानो जादों 'आवारा पागल दिवाना'। बिथांआ 1999 माइथायनि 'दिल क्या करे' सावथुनखौबो लिददोंमोन। बिथांआ 2017 आव फैनाय

सावथुन 'फास्टार फेन'नि बिथोनगिरि आरो लिरगिरि मोन। मंगेश कुलकर्निआ सिनेमा मुलुगनि बयजोंबो मिबथिजानाय सासे सुबुंमोन। मंगेश कुलकर्निआ माराठि रावआव माखासे मुंदांखा मेथाइफोरलिददोंमोन। 2000 माइथायाव फेनाय सावथुन' राजा की रानी से प्यार हो गया' बायदि सावथुनफोरनि स्क्रिप्ट लिदनायनि क्रेडिटबो होनाय जादों। मुंदांखा फावखुंगुरआ हिन्दी आरो माराठि सिनेमाहलआव लिरगिरि हिसाबै खामानि मावदोंमोन। कुलकर्निआ शनिबारखालि 19 अक्टूबरआव 76 बोसोर बैसोआव जिउ गोमाबाय। मंगेशआ गहाइ महरै माराठि सिनेमाआव खामानि



मावदोंमोन। बिथांआ 'अभलमया' आरो 'वडलावत' बायदि पपुलार माराठि स्व'नि टाइलेट ट्रेकखौबो लिददोंमोन। भिजया मेहतानि गेजेरजों दिथा होजानाय मुंदांखा स्व'लाइफ लाइन 'खौबो लिददोंमोन। कुलकर्निआ 1993 माइथायाव माराठि सावथुन 'लापडभ'निफ्राय गावनि केरियारखौ जागायदोंमोन। मुंदांखा लिरगिरिआ गुलाम-ए-मुस्ताफा सावथुननि थाखायबो फेमासमोन आरो बे सावथुनआ 1997 माइथायाव रिलिज जादोंमोन। बे सावथुनाव नाना पॉटेकर आरो रंभना टडनआ लिड करतल्ला शिवादि बे सावथुना माब्ला आरो मवेव अनलाइन रिलिज जागोन। बेनिखायनो जों बेनि खौरंखौ मिबथि होनो सानदोंदि, देभरा सावथुननि

## 'देभरा' सावथुननि अटिटि रिलिजखौ लानानै गोबां रोखोमनि सावरायनाय सोलिगासिनो दड

तेलेगु रवनि 'देभरा पार्ट-1' सावथुनआ दामिसबो सिनेमाहलफोराव सोलिगासिनो दड। जुनियर एन्टिआर, सेफ आलि खान आरो जानहभि कापुर बायदि फावगिरिफोरजों समाइफलेनाय बे एक्सन ट्रिलार सावथुनआ दामिस नायगिरिफोरखौ गोबां एनटरटेन्ट खालामदों। रां आरजिनाय बिथिंआव 'देभरा' सावथुनआ मोजाइडे जाफुसारनो हादों। बेनि गेजेराव दा देभरानि अटिटि रिलिजखौ लानानै गोबां रोखोमनि बाथ्राफोर सावरायलायनाय जागासिनो दड। साफ्रोम सुबुंफोरानो मिबथिनो लुबैदोंदि, डायरेक्टर करतल्ला शिवादि बे सावथुना माब्ला आरो मवेव अनलाइन रिलिज जागोन। बेनिखायनो जों बेनि खौरंखौ मिबथि होनो सानदोंदि, देभरा सावथुननि




स्ट्रीमिंग आ मवे अटिटि प्लेमेटफर्मआव जानो हागौ। आथिखालाव नुनो मोनो हागौदि, सिनेमाहलफोराव रिलिज जानायनि दान मोनसे उनावनो सावथुनफोर अटिटि प्लेटफर्मआव नुजाथियो। जर'खायै खोलानि सावथुनफोरा बे बिथिंआव जोबोद आवगायना दड, बिदिन्थि महरै ग्रेटेस्ट अफ अल टाइम सावथुननि मुंखौ लानो हायो, जाय 28 साननि गेजेरावनो अटिटिआव नुजाथिदोंमोन। अदेवानि

आथिखालाव देभरा सावथुनाबो बे बायदिनो साखाफरा जाना दड, नाथाय थलापति भिजयनि सावथुननिफ्राय बे सावथुनहा बांसिन सम नांनो हागौ। मिडिया रिपर्टसनि बायदिव्ला, जुनियर एन्टिआरनि देभरा पार्ट-1 खौ 8 नभेम्बरखालि अनलाइनआव मुंदांखा अटिटि प्लेटफर्म नेटप्लक्सआव स्ट्रीम खालामनो हागौ। मानोनो सावथुननि डिजिटल रइट्सआव बे प्लेटफर्मनि आखायावनो दड। नोजोर होनो गोनां बाथ्राया

बेनोदि, देभरा सावथुनखौ हिन्दी, तेलुगु, कन्नड़, मालायलम आरो तमिल रावआव नेटप्लक्सआव रिलिज खालामनो हागौ। बबेखानि बे बिथिडाव मेकासफोरनिफ्राय अफिसिएल फोसावनांगौआल' दंसै। बेनि उनाव अडियान्स मबाइल स्क्रिननि अनगायै गावबा-गावनि न'नि टिभि सेटआवनो बेखौ गोजोनाय लानो हागोन। बक्स अफिसआव देभरा सावथुनआ मोजाइडे दिन्थिफुनो हादोंमोन। जुनियर एन्टिआरनि बे सावथुन इन्डियन बक्स अफिसआव 281 कौटि रनिखुइ बांसिन बिजनेस खालामदों। बेनि अनगायैबो देभरा सावथुननि वर्ल्डवाइड कालेक्सनि सि मोननदै सावरायोब्ला, दामिस रिलिजनि 23 सानसिमाव बे सावथुना मुलुगनाइडे 500 कौटि रनि बाम्पार बिजनेस खालामना दिन्थिदों।

## फावखुंगुरि आदा शर्माआ गावनि स्व'आव मोन 10 लुक्सजों नुजाथिदों

'दा केरला स्टिर' सावथुननि उनाव फावखुंगुरि आदा शर्मानि खैसारि सानाया सोलायबाय। अदेवानि आथिखालाव बिथाडा बे समखौ थानानै दड, जायनि सिमांखौ बिथाडा 16 बोसोरनि सिगां हिन्दी सावथुमआव डेब्यु खालामनाय समाव नुदोंमोन। डिज्नी प्लास हटस्टारआव बावैसो रिलिज जानाय बिथांनि वेब सिरिज 'रिता सान्याल'आबो बिथांनि बै सिमांनिनो मोनसे बाहागो। आदा शर्मानि स्व'आवो बिथांनि सोलायनायनि सोमोन्दै दिपेश पान्डेआ बिथांजों जर'खा बाथ्रा सावरायदों। 16 बोसोर सिगां '1920' सावथुननिफ्राय जाय सिमांफोरजों लोगोसे डेब्यु



खालामदोंमोन, आथिखालाव बावैसो सिमांफोरनि रुनुनायाव गावखौ मबेयाव द होन्ना हमदाडो? जेब्ला '1920' सावथुनआ हिट जादोंमोन आरो नायगिरिफोरनिफ्राय गोबां अन्याय मोन्दोंमोन, अब्ला आं सानदोंमोनदि, आं 'रिता

नागिरदों। आंनि थाखाय बेयो जोबोद मोजां बाथ्रादि, दा केरला स्टिरनि उनाव सुबुंफोरा आंनि सायाव फोथायबाय। आंखौ मिरुआव दोन्नाप्रै प्रजेक्ट बान्नायनो नागिरदों। आंनि नाजानाया खालि बेल' जे प्रजेक्टआव आं जाय फावखौ दिन्थिनो नागिरदों, बेखौ मोजाइडे लिदनाय जानांगौ आरो जाहाथे सुबुंफोरा गोसोआव थायो। फावगिरि हिसाबै आलादा-आलादा लुक्सआव एक्टिं खालामनायानो जौनि सिमां जायो। आंहा मोनसे प्रजेक्टआवनो माखासे गोबां एक्टिं खालामनो मोन्दों। रिता सान्यालनि लुक्सजों

लोगोसे बे स्व'आव आंहा मोन 10 लुक्स दड। जेराव फुट इनस्पेक्टर, सिकिउरिदि गार्ड, वैश्य, ना फानग्रा, फावखुंगुरि जों लोगोसे माखासे लुक्सफोरबो दड। कमान्ड सावथुनाव आं बांसिनानो आखायजों खमलायनाय एक्सन सिनल' दंमोन। बे स्व'आव आं नानचाक आरो सिलम्बम बायदि बेसादजों एक्सन खालामदों। जिखुनु प्रजेक्ट साइन खालामनायनि सिगां जौनि गार्डकखौनो सिगां उकिलआ फरायग्रोयो। बे बायदि उकिलफोरजों आंहा सानफ्रोमबो मोगा-मोगि जानाडो।

रिएलिटि स्व' बिग बस -18 आव गासिबो कन्स्टेन्सनि गेजेराव गोखों बादायलायनायखौ नुनो मोनगासिनो दड। गिबि एपिसडनि फावखुंगुरि कन्स्टेन्सफोरखौ गावजों-गाव गोहोम गोलैनाय नुनो मोन्दों। माब्लाबा जानाय आदारखौ लानानै, माब्लाबा वाशरुम बाहायनायखौ लानानै आरो माब्लाबा न'नि सोद्रीमाफोरनि गेजेराव माबेबा नड माबेबा मोनसे बाथ्राखौ लानानै खुदुरिलायनाय जाबाय थायो। जेब्लाबो स्पातहआव उडेकनि वार एपिसडआव टेलिक्सट जायो। जेराव हस्ट सलमान खानआ सोरबा नड सोरबा



सासेखौ क्लास लानाय नुनो मोनो। बेनि उनाव फैयो एलिमिनेसननि सान, जेराव जिखुनु सासे कन्स्टेन्सनि दावबायनाया जोबथा जायो। बिग बस-18 आव हेमा शर्मानि एभिक्ट जानायनि खौरंआ सोराडव फैदों। बेनि गेजेरजों स्व'नि टप-5 कन्स्टेन्सनि मुंआबो सोराडव फैदों। मिबथि होनाय जायोदि, मिडियानि रिपर्टआव करण भिर मेहरआ खहा जादों। थानाय सप्ताहआव बिथांआ बाथि पुटस्टेपआव दंमोन। बे सप्ताहआव बिथांनि मुंआ लिस्टआव गैया। जेराव करणआ खहा जानांदोंब्ला, फासिंथिं भिभिथन डिसेनाआ मुलाम्फा जादों। बिथांनि पजिसनआ नम्बर मोनसे सिगांआव सौहैबाय। करणनि अनगायै शिल्पा शिरडकरआबो खहा जादों। अदेवानि बिथांनि मुंआ लिस्टनिफ्राय बाइओआव नड।

बिथांआ थानाय सप्ताहआव नैथि पजिसनआव थानायनि उनाव दा बाथि पुटस्टेपआव दड। मिडियानि रिपर्टआव भिभिथन डिसेनाआ अभिनाश मिश्राखौ उज खालामनो हाबाय। बे लिस्टआव भिभिथन डिसेनाआ नैथि नम्बरआव दड। बबेखानि, अभिनाश मिश्राआ थामथि पजिसन लानो हादों। ब्रैथि नम्बरआव चाहत पान्डे आरो बाथि शिल्पा शिरडकरआ दड। बे लिस्टआव थानाय सप्ताहनि बायदिनो बे सप्ताहआवबो रजत दालालआ बाजि मारिदों। रजतआ सुबुंफोरनि साबसिन कन्स्टेन्सफोरनि गेजेराव सासे जानो हाबाय। बावैसो उडेकनि वार एपिसडआव सलमान खानआ चुम दरंगखौ क्लास लादों एबा रयदों। चुमआ बुंदांमोनदि, अभिनाष थानायनि जाहोनाव आइजोफोर सेफ नड। बेनि सायाव सलमान खानआ बिथांखौ बदनाम खालामनायनि थाखाय रयदों।

## एक्ता कापुरनि बेरेखायै पुलिसआ केस थिसन्दों

मुंदांखा फिल्म फेखांबाय आरो गोबां खेब बे प्रिडिसार एक्ता कापुर आरो बिथांनि बिमा शभा कापुरनि बेरेखायै पुलिसआ एफआइआर थिसन्दों। बे सोमोनांथाव खौरंआ दुंहाव थासारि सोमजिहोदों। पिअसिएसए एक्टनि गेजेरजों बिथांमोननि बेरेखायै केस थिसन्दों। एक्ता कापुरआ गावनि पपुलार सिरिज 'गन्दी बात'नि गेजेरजों जेनायाव गोलैदों। दासिम बे जेना गोनां वेब सिरिजआ मोन 6 सिजन

सिरिजखौ बेनि खालामनायनि थाखायबो दाबि दिखोखांबाय। अजत दिखांदिगिरिआ मिबथि होदोंदि, बिथाडा सिरिजआ बैसो जायै हिन्जावसाफोरनि अबसिन सिन दिन्थिदों। अटिटि प्लेटफर्म अल्ट बालाजिन वेब सिरिज 'गन्दी बात'नि मोनसे एपिसडआव बैसो जायै हिन्जावसाफोरनि नायथावजायै सिन दिन्थिनानि दायआव अल्ट बालाजि टेलिफिल्म लिमिटेडनि



एक्ता कापुर आरो बिथांनि बिमा शभा कापुरनि बेरेखायै मुम्बाइनि एमएइसबि पुलिस स्टेसनआव आइपिसनि धारा 295-ए, आइटि एक्ट आरो पक्स' एक्टनि धारा 13 आरो 15 नि गेजेरजों जाथायखौ थिसन्दों। आथिखालाव बे जेनागोनो

एपिसडआव बे एपआव स्ट्रिम जायाखै। अजत दिखांदिगिरि बुंनाय बायदिव्ला, बे सिरिजनिफ्राय बिथांनि धोरामारि सान्थोआ दुखु मोन्दों। केस थिसन्यायव बुंनाय जादोंदि, सिरिजआव 11थि आरो 12थि बैसोन गथ'फोरनि बल्ड कन्स्टेन्स प्रिडिस खालामनायखौ लानानै अजत दिखांदों, मानोनो गथ'फोरनि बैसोआ 16-17 बोसोरल'। अजत

दिखांदिगिरिआ बेखौबो दाय जाबसिन्दोंदि, डिस्क्लेमर होआ लासै बिथांआ सिगारेट आरो जौ लौनायनि सिनखौबो दिन्थिदों। बबेखानि पुलिसआ फाइलड प्रेक्टिसन एक्टनि धारा 13, बैसो जायै गथ'फोरनि सेक्सुएल एक्सप्लयटेशननि धारा 15, इन्मेंसन टेक'लजि एक्ट, 2000-67 (ए) बिएनएसनि धारा 295 (ए) आरो गुबुन धाराफोरनि गेजेरजों जाथायखौ थिसन्दों।



## রহিত শর্মা আ লাজিনাংথাব रेकर्ड थिसन्दों



गोदान दिल्ली, 20 अक्टुबर: भारतनि क्रिकेट हान्जाआ निउजिलेन्डनि हेँथायै गिबि टेस्ट मेचआव 8 उडकेटजों लाजिनांथाव जेनांदों। बे समाव भारतआ निउजिलेन्डनो देरहानायनि थाखाय 107 राननि टागेंट होदों मोन। जेराव निउजिलेन्डनि हान्जाआ बे थांखिसिम गोलेँयैनो सौहेदों। टसआव देरहानाँ भारतनि हान्जाआ गिबियै बेटि खालामनो थिरंथा लानाय गोरोत्थिनि फोरमान जादों। भारतनि हान्जाआ गिबि इनिंसआव 46 रानआवनो अलआउट जादों। बेनि उनाव निउजिलेन्डआ गिबि इनिंसआव गसो 402 रान लादों। रसिन रबिन्द्रआ बे समाव

निउजिलेन्डनि जानाँ सेसुरि रान लादों। जेराव डेभन कनवे आरो टीम सौदिआ बिथांखौ मदद खालामदों। मानोना बिसोर सानैबो हाफ सेसुरि लानायवा जाफुंदों। बिथांमोननि मददजोंनो निउजिलेन्डनि हान्जाआ मोजां स्करनि थावनिसिम सौहेदों। बे समाव भारतनि जानाँ कुलदिप यादव आरो रबिन्द्र जाडेजाआ 3 उडकेट लादों। नैथि इनिंसआव भारतनि हान्जाआ आवगायफिनो नाजादों मोन। बे समाव गोजो थाखोन गसैबो बे टसमेनफोरा गोखोडेँ दिन्थिफुनो नाजादों। जेराव यशस्वी जयसवाल आरो रहित शर्माआ मोजाडेँ जागायदों मोन। बिसोर सानैआ गिबि उडकेटनि

थाखाय 72 राननि बाहागोदरि रान लादों। सरफराज खानआ बे समाव सेसुरि रानजों 150 रान लादों। बिथांमोननि अनगायै ऋषभ पन्टआ 99 रान लादों। नाथाय केएल राहुलआ फिन खेबसेबाव फलप जादों। भारतनि हान्जाआ नैथि इनिंसआव 462 रान लादों। बेबादिनो भारतनि हान्जाआ निउजिलेन्डनो 107 राननि टागेंट होदों मोन। भारतनि हान्जाआ गेलेगिरिफोरा गेजेर अडरआव मिर्जिथि बादिदै दिन्थिफुनो हायाखे। बे टेस्टनि सिगां निउजिलेन्डआ 36 बोसोरनि सिगां 1988 आव भारतनि नख 'र'आव टेस्ट मेचखौ देरहादों। रहितआ बे मेचआव जेन्नायजों लोगोसे नो लाजिनांथाव रेकर्ड थिसन्दों। थामहिनबा बिथांनि केपेनआव भारतआ नख 'र'रि फोथारआव निउजिलेन्डनि हेँथायै टेस्ट मेचआव जेनांदों। जेराव बेनि सिगां दिलिप वेंसरकार आरो मन्सुर आली काननि केपेनआव भारतनि हान्जाआ जेनखांबाय।

## अरुनाचल प्रदेशनि अखिलेश साहानीआ कर्नवाल क्रिकेट प्रिमियर लीगआव गेलेनो साखा-फारा

इटानगर, 20 अक्टुबर: अरुनाचल प्रदेशनि जाखांफुनाय क्रिकेट अखिलेश साहानीआ इलिस क्रिकेट क्लाबनि जानाँ राइज्योनिफ्राय नैथि गेलेगिरि महरै दिन्थिफुनो जानिज खाफ्रादों। टेसि दरियायनि आगानखौ उनसंनानै बिथाड इलिस क्लाबनि थाखाय गेलेगोन। बिथाड केसिनि उनाव अरुनाचलनिफ्राय कर्नवाल क्रिकेट प्रिमियर लीग 2025 आव थुर' क्रिकेट क्लाबनि जानाँ गेलेगोन। बेनि सायाव अरुनाचल प्रदेशनि गिबि मन्थि पेमा खान्दुआ बिथांनि इयुन जाफुंसारनायनि थाखाय गाहाम हामलायथि हरदों। लोगोसे बिथांनि हारिमायारि थाखोन क्लाबआव राइज्योनिफ्राय बाहागो जानो हानायखौ बाखायदों। मख 'नो गोनादि, पेमा कान्दुआ राइज्योनिफ्राय नैथि गेलेगिरि महरै इलिस क्लाबनि जानाँ बिथांनि गेलेगोनखौ लानानै गोजेन्याय फोरमायदों आरो बिथांनि जाफुंसारनायनिफ्राय राइज्योआव गोबां थुलुगानाय फैगोनखौ



मिर्जिथिदों। साहनीआ फैगो बोसोराव थुर' क्लाबआव बाहागो जाहेँनो थाखाय आरो कर्नवाल लीगआव गेलेनो थियारिजों इलेन्डसिम दावबायगोन। 1994 आव जोनोम मोन्नाय अखिलेशआ आखा-फाखा अल रउन्डर महरै राइज्योनि जानाँ गोबां दुर्नमेन्टफोराव बाहागो लाबाय। बिथाड बिजय हाजारे टूफ्री, रन्ज टूफ्री आरो सैयद मुस्ताक आली टूफ्रीआव अरुनाचलनि जानाँ गेलेखांबाय। साहनीआ थुर' क्लाबनि जानाँ गावनि गेलेगोनखौ लानानै गोसो

गुदुंखौ फोरमायों। लोगोसे गोबां बोसोरनिफ्राय नाजाथाबनायनि गेजेरजों गावनि थांखि फासै आवगायनो हानायखौ फोरमायो। साहनीआ ओन्सोलारि क्लाबआव निरजुली क्रिकेट क्लाबनि जानाँ गेलेयो। मोनसे इलिस क्लाबजों बिथांनि सागानखौ गोजेन्याय फोरमायनानै निरजुली क्लाबनि मासिगिरि तरह नासुआ बिथांनि जाफुंसारनायाव राइज्योनिफ्राय गोबां लाइमोनफोरनि थुलुंगा मोनायखौ फोरमायदों।

## अरुनाचल प्रदेशनि लांकुं रेडआ भारतनि जानाँ वल्ट् जु-जिटसु सेम्पियनसिपआव बाहागो लाहैगोन

इटानगर, 20 अक्टुबर: ग्रीसआव खुंजानो गोनां वल्ट् जु-जिटसु सेम्पियनसिपआव भारतनि जानाँ अरुनाचल प्रदेशनि गेलेगिरि लांकुं रेडआ सायख 'जानाँ राइज्योआव गोम्गानाय लाबोदों। बिथाड थांनय 23-25 फेब्रुवारि दानआव उत्तराखन्डनि देरादुनआव खुंजानाय नेसनेल जु-जिटसु सेम्पियनसिपआव गंसे रुफानि मेडेल देरहादों। बेनि उनाव थांनय 1-4 मेनि गेजेरव इउएइनि आबुडाबिआव खुंजानाय 8 थि जु-जिटसु सेम्पियनसिपआवबो बाहागो लादों। मख 'नो गोनादि, बिथाडा थांनय 15 बोसोरनिफ्रायनो गेलेमुनि फोथारआव मैखोमे बाहागो लाबोगासिनो दड। अरुनाचल जु-जिटसु एस 'सिएसनआ फोरमायनाय बादिब्ला, 20 अक्टुबरखालि बिथाडा



अरुनाचलनिफ्राय दिल्लीसिम दावबायदों। जेराव बिथांजों लोगोसे सानै सिनियर आरो सब्रै जुनियर गेलेगिरिफोरबो भारतनि हान्जाआव सायख 'जादों। नाथाय बिथांमोनहा भिजा जे'नानि थाखाय सेम्पियनसिपआव हान्जाआव सायख 'जादोंब्लाबो बाहागो लाहैनो मोन्नाय नंला। जु-जिटसु एस 'सिएसन अफ

इन्डियानि बादिब्ला, गसैबो सायख 'जानाय जेएआइ नेसेनेल टीमनि सोद्रोमाफोर ग्रीससिम जयैनो हान्थिगोन। जेएआइआ वल्ट् जु-जिटसु सेम्पियनसिपआव जु-जिटसु इन्टरनेसनेल फेडरेसननिसिम गेलेनायनि गनायथि होनो थाखाय एन्टिफोरखौ थियारि कालामनो आरो दैथायहरनायनि

बिबान लासिगोन। थामहिनबा बिथांमोनहा बाहागो जानो मोन्नायनि लामायाव दड। नाथाय बिथांमोननि बाहागो जाहैगोननि गसैबो खरसाफोर गावयारि जागोन। लोगोसे बिथांमोनहा गनायथि होजानाय आफ्रादफोरनि बादायलायनायनि नेमखान्थिफोरखौ गोखोडेँ फालिनांगोन।

## जिएसए ए डिभिजन फुटबल लीगआव इयं एमाचुर क्लाबआ देरहादों



गुवाहाटी, 20 अक्टुबर: इयं एमाचुर क्लाबआ गुवाहाटी नोगोरमानि नेहरु स्टेडियमआव बादायनाय जिएसए ए डिभिजन फुटबल लीगआव नवज्यति क्लाबखौ 2-1 गलआव फेजेनो हादों। बे समाव देरहानाय हान्जानि जानाँ बेदान्ता गसैआ मेचनि 4 मिनिटआव गल सौब्लाबो 17 मिनिटआव नवज्यतिनि जानाँ समान स्करनि गल सोफिन्दों। बेबादि थासास्त्रिआव मोनै हान्जानि गेजेरव गोखों सेलेन्ज होज्यायनाया फारियै सोलिदों। मेचनि जोबनाय फासै ब्रजेन मोसाहारिआ देरहानाय हान्जानि जानाँ गल सोदों। जेराव हान्जाआ बिथांनि बे गलखौनो जोबनायसिम लाखिदों। बेबादिनो देरहानायजों हान्जाआ आबुं 3 पइन्ट आर्जिनायाव जापुंसारदों। बे खेबआव सानरइज एसिआ गुवाहाटी सिटि एफसिनि थाखाय मोगा-मोगिआव ओखारगोन। बे फुटबल लीगनि गेजेरजों राइज्यो आरो ओन्सोलाव फुटबलखौ अन्सायनाय आरो बेखौ जौगाहोनायाव हेफजाब मोनगोनखौ मिर्जिथिदों।

## नागालेन्ड सुपार लीगआव मोन 8 हान्जाफोरा बिमुनि थांखिआव ओंखारदों


कहिमा, 20 अक्टुबर: नागालेन्डआ सोलिफु बोसोराव गोलाव समनिफ्रायनो मिर्जिथि लाजानाय नागालेन्ड सुपार लीगआव गावसोरनि रांगथिखौ दिन्थिफुनो नाजादों। बे लीगनि गेजेरजों राइज्योनि फुटबल फोथारआव मोनसे जर 'खा आवगायनाय फैगोनखौ मिर्जिथिदों। नागालेन्ड फुटबल एस 'सिएसननि आफ्रादगिरि आरो अल इन्डिया फुटबल फेडरेसननि मावफुं सोद्रोमा नेबु सेखसनि दैदेन्नायाव बावैसो सान सिगां सामलाय आफ्रादनि मेलआव बे लीगखौ फोसावनाय जादों। नागालेन्ड सुपार लीगनि सामलायगिरि आफ्रादआ लीगनि फ्रेमवर्क आरो जागायनायनि सायाव सावरायनायनि गेजेरजोंसो थिरंथा लादों। नागालेन्ड सुपार लीगनि बेखेवनाय सिजनआव गसै मोन 8 फ्रेन्चाइजी हान्जाफोरा सेलेन्जआव ओंखारगोन। जेराव हान्जाफोरनि बाहागोआ राइज्योआव फुटबलनि जौगानाय बिथिडाव मिर्जिथि लाबोदों। जानो हाथाव फ्रेन्चाइजी हान्जाफोरनि बिगोमाफोरखौ गोसो बोनो थाखाय सामलायगिरि आफ्रादआ थाबैनो लेदार अफ इन्टरेस्ट आरो फोसावथाय जारि खालामनायनि सानथांखिखौ



फोरमायदों। सायख 'नाय बिखान्थिआव रोखाथिखौ साबसिन खालामनो थाखाय फ्रेन्चाइजी हान्जानि बिगोमाफोरनि थाखायबो जथुमआव सावरायनाय जादों। बे लीगखौ मोजाडेँ खुंफुनो

## अल आसाम इन्टर डिस्ट्रिक्ट रेसलिं सेम्पियनसिपआ गुवाहाटीआव जागायबाय

गुवाहाटी, 20 अक्टुबर: 17 थि अल आसाम इन्टर डिस्ट्रिक्ट रेसलिं सेम्पियनसिपआ गुवाहाटी नोगोरमानि डिटिआरपि इन्डर स्टेडियमआव जागायबाय। बे सेम्पियनसिपआव गनायथि होजानाय मोन 30 इडनिटफोरनिफ्राय सा 350 निबो बांसिन बाहागो लागिरिफोरा सेलेन्जआव ओंखारगोन। जेराव बे सेम्पियनसिपखौ आसाम रेसलिं एस 'सिएसनआ राइज्योनि गेजेरव गेलेगिरिफोरनि हारखौ बांहोनाय थांखिजों खुंफुदों। आसाम रेसलिं एस 'सिएसननि आफ्रादगिरि रातुल शर्माआ आसामआव रेसलिंनि सावगाेरिखौ साबसिन खालामनो थाखाय फोथायथि होदों। लोगोसे बे टुर्नामेन्टनि गेजेरजों राइज्योआव रेसलिंखौ जौगाहो



थिरंथा लानायखौ फोरमायनानै बेनि थाखाय दिल्लीनिफ्राय सानै मुदांखा कचफोरखौ हांखायदों होन्ना फोरमायो। जेराव बिसोर सानै कचआ जर 'खा फोरंथायनि थाखाय बे इन्टेन्सिफ्राय सा 15 रांगथि गोनां रेसलारफोरखौ सायख 'गोन। बे सेम्पियनसिपनि बेखेवजेन्नाय फोर्बोआव आलासि महरै गुवाहाटीनि एमपि बिजुलि कलिताजों लोगोसे गोजी थाखोनि बिबानगिरिफोरा

बाहागो लाफेदों। जायनि फारिआव एमएलए शिद्दार्थ भताचार्य आरो रुपक शर्माजों लोगोसे बिजेपिनि गागि दैदेनगिरि फनिन्डनाथ शर्मा आरो आसामनि एडभकेट जेनेरेल देबजित शइकियाआ नुजाथिफेदों। बिसोरनि अनगायै गुवाहाटीनि मेयर मृगेन शरनया आरो आसाम अलिम्पिक गौथुमनि मावख 'गिरि अशक भरली आरो उज्जल बरुवाआ नुजाथिफेदों।